









DE REBUS GESTIS

STEPHANI I. REGIS

POLONIAE MAGNI

DVCIS LITHVANIAE, ETC.

CONTRA MAGNUM MOSCHORVM

DVCEM NARRATIO.

*Coll. from Soc. Jesu**ex libris Dni. Lohr.**Edictum Regium Etc. ad milites.*

ROMAE, Apud hæredes Antonij Bladij impresso-
res Camerales. M. D. LXXXII.

ST. JAMES & SONS

COLONIAL WARE
WYCKLIFFS, ETC.
CONTRA MACHINERY
LONDON

William & John G. & Co.



ST. JAMES & SONS
LONDON

ILLVSTRISSIMO ET REVERENDISS. DOMINO STANISLAO
CARNKOVVSKI, ARCHIEPISCOPO
GNESNENSI, REGNI POLONIAE
Primati, Legato Nato, &
primo Principi.

Flaminius Nobilius sacras manus humiliter osculatur.



A M diu est, Illustrissime, ac Reuerendissime Domine, cum regnum istud nobilissimum peculiari quodam amore prosequor. Nam & multa legeram; quæ optimis ipsum legibus gubernari, ordinum concordia, iustitia, pietate, animorum præstantia, rebuspace, & bello præclare gestis florere testabantur: & quoscunque Polonos noui (nouii autem plurimos, magnaue mihi cum illis beneuolentia intercedit) humanitate, religione, doctrinâ politissimos, atque erga Italiam nostram egregie animatos esse intellexi: & clarissimum illud sapientiæ, sanctitatis, theologiæ lumen Stanislaum Osium Cardinalem de vniuersa rep. optime meritum priuatim etiam optimum habui patronum. Quo quidem vel vno nomine dignissima est terra ista, in quam honorum omnium præcipuus sit sensus; quæ celeste illud sydus sacrosanctæ Ecclesiæ dedit. Ac satis ille quidem naturæ vixit, satis gloriæ apud Deum, & homines, satis altissimo sempiternæ felicitatis gradui promerendo: nobis quidem, qui illius virtute fruebamur, non satis. Cuius memoriam nisi perpetuo, sancteque colam; me nec hominem arbitrer. Euenit autem peropportune, vt Stanislaus Rescus Protonotarius Apostolicus, & Serenissimi Regis tui Secretarius, sanctissimi illius viri dignissimus alumnus (quo mihi vno virtutes omnes contineri videntur) quasi communicandæ consolationis causa cum multa alia ad eximiam tuam laudem

dem pertinentia mihi de te narraret, tum vero summam voluntatum, studiorumque cum Cardinali, cum viueret, coniunctionem, continentes vigilias tuas, labores, contentiones in catholice fidei propugnatione susceptas, incredibilem in omnibus Episcopalibus muneribus obeundis diligentiam exponeret, eiusque rei præclarum documentum ostenderet orationem illam tuam de tuenda vnitae fidei aduersus foedus illud, quod specioso pacis titulo fucatum non tamen esset pax, sed maximi, & calamitosam paulo post vastitatem allaturi incendij dissimulatio: qua quidem oratione nihil legi doctius, ardentius, verę pietatis plenius, ad regni salutem accommodatius. Accesserunt Iacobi Lampirij, & Alberti Stauierij familiarium tuorum sermones: quos ego quidem homines statim Polonos agnoui: ea est illorum religio, humanitas, eruditio. Ab his cum multa alia de te cognuisssem; gauissus mihi sum, istique regno gratulatus: & Deo Opt. Max. gratias egi; quod uno auulso nõ deesset alter iisdẽ itineribus ad immortalem gloriam tendens; qui Osij vicem defensurus acerrimo studio esset Ecclesiam, nec minus exemplo, quàm doctrina homines in vera pietate confirmaturus, atque in primo secundum Regem dignitatis gradu collocatus, totius regni Archiepiscopus, Legatus, Primas optimis consilijs salutem, incolumitatem, dignitatem reip. procuraturus. Itaque sensi me & amore tui, & consequendę beneuolentię tuę desiderio inflammari; atque ita mecum statui nullam mihi huius meę voluntatis declarandę remittendam esse occasionem. Ea vero nunc mihi sese obtulisse visa est, tibi acceptissima (sat scio), bonis omnibus periucunda. Etenim cū Ploensis Episcopus potentissimi regis tui ad Pontificem Maximum Legatus, quem singularis virtus, prudentia, morum probitas, & suauitas vniuersę huic aulę & amabilem, & admirabilem reddunt, duo primum Regis edicta, vnum admittentes de causis belli aduersus magnum Moscorum Ducem suscepti, alterum ad regni magistratus, atque ordines de supplicationibus ob captā Polotiam decretis, ac paulo post Com-

men-

mentarios de rebus vsque ad hunc annum fortissime, & felicissime gestis pro sua humanitate legendos mihi tradidisset; visus mihi sum in ijs præclarissimum quoddam vere Christiani, vereque regij, & laudatissimis illis Carolis, Othonibus, Boleglais, Iagellonibus persimilis animi specimē itueri: qui cum fortitudinis, ac potentię suę sibi probe conscius ex bello non offensiones metuere, sed victorias, triumphos, imperij accessiones sperare mērito posset: adeo tamen pietatis, & charitatis retinens esset; vt nullam humanam gloriam, nullas opes non care vel vnus hominis sanguine emi putaret; vt nō modo suis, sed etiam alienis libentissime parceret; vt bellum inuitissimus susciperet, & in medio ardore belli pacatissimū se intus præstaret; denique vt omnia ad honestatem referret; ac si Deum sibi propitium habeat, nihil præterea aut metueret, aut cuperet: vt mirandum non sit tam bonę menti summum illum exercituum Dominum & initia & progressus belli mirabiliter fortunasse, plurimasque, & maximas de potentissimo hoste victorias intra paucos menses concessisse. Quāobrem cum ea lectione summopere delectatus eandem honestissimam voluptatem nostris quoque hominibus (qui vbi excellentis virtutis effigiem, & quidem pulcherrimis ingenij, eruditionisque coloribus expressam aspicerent, habitu essent) cōmunicare statuissem; edicta illa Romę vna cum commentarijs imprimenda curauī: & in tuo nomine splendoris, ac reuerentię plenissimo apparere volui. Putauī enim fore, vt neque hanc meam ad te obseruandum propensionem sperneres, & clientem Cardinalis Ofij in clientelam tuam libenter reciperes, & optimi Regis tui laudes, qui gloriam suam consilij sapientissimi istius Senatus, in quo tu Principem locum tenes, non minima ex parte acceptam refert, propagari ad memoriam hominum sempiternam magnopere letareris. Ea neme spes fallat, potius quia mos est ita faciendi, quā quod tuę benignitati distidam, te Illustrissime & Reuerendissime Domine etiam atque etiam rogo. Deus te & Regno istī, & sanctę Ecclesię suę diu incolumem præstet.

VINCENTII CATTI VINCENTINI

SERENISS. POLONIAE REGINAE

Phyfici Carmen.



CILICET hoc votis deerat, *REX*
maxime, nostris,

Post domitos toties hostes, Gedanumq;
rebellem,

Vt Moschus meritas lueret te vindice

pœnas.

Ille quidem tumidus sese tollebat in armis,

Et raptò gaudens, & tristia funera miscens.

Constitit at contra ut virtus spectata tuorum,

Prosternens equitum turmas, peditumq; maniplos;

Tum Moschum videas pavitantem protinus omnè

Diffugere, atq. urgere simul calcaribus armos.

Iamq; fuga nulla est hosti via; feruidus instans

SARMATA, ceu segetem, glomeratos ordine denso

Demetit ense viros, iustisq. ulciscitur armis.

Postquam cadis amor, rabida & deferbuit ira,

Tum lora expediunt, tum Moschis vincula nectunt.

Inceduntq. Duces onerati colla castrensis,

Detecto nigram spectantes lumine terram.

Ergo alacres animis cuncti votisq; fauete

Et castas huc ferte preces. Te maxime Regum

Auspi-

*Auspicia hæc meliora manent. Iam te duce fracti,
Iam profugique Scythæ latè tua iussa capescent.
Quiq. bibunt Tanaim, gelidasq. Borysthenis undas:
Tu verò insignis folioq. innixus eburno
Regia iura dabis populis, erit aureus orbis:
Atq. preces nostras non auersatus IESVS,
Euentu implebit certo mox publica vota.*

Οὐ τόσον σεφάνῳ Στέφανος σεφανίζεται, ὅσον
Ὁ Στεφάνου σέφανος σέμμασι τοῦ Στεφάνου.
Ἄλλο.

Σαρματικῆς Στέφανος βασιολύος κύρατο ήήθης
Ἐκ σεφάνου κρείττων ὁ Στέφανος σεφάνου.

1840

1841

1842

1843

1844

1845

1846

1847

1848

1849

1850

1851

1852

1853

1854

1855

1856

1857

1858

1859

1860


1861

1862

1863

1864

E D I C T V M
REGIVM SVIRENSE
EXQVOCAVSAESVSCEPTI
IN MAGNVM MOSCOVIÆ
DVCEM BELLÏ COGNO.
S C E N T V R.



Tephanus Dei gratia Rex Poloniæ, Magnus Dux Lithuanæ, &c. exercitus sui cuiuscunque nationis atque ordinis militibus. Etsi tanta & tam nota omnibus iniuriarum magnitudo est, quas Magnus Moscoviæ Dux Regno nostro Poloniæ, Magnoque Lithuanæ Ducatui adhuc attulit, ut arma hæc, in quibus hoc tempore versamur, sera potius cunctis, quam vel præpropere, vel non satis iusta cuiquam visum iri arbitremur, tamen cum studium nostrum satis expleri non possit, quo desideramus, ut quæ suscipimus gerimusque, cum æquitate iustitiæque nos suscepisse, ij penitus intelligant, ad quos causa quæque attinere videatur: faciendum nobis hoc in bello existimavimus, ut exercitus nostri, cum eos non tantum ex Regni nostri Poloniæ, Magnique Ducatus Lithaniæ, verum etiam Germaniæ atque Hungariæ, aliisque nationibus exteris compositos habeamus, certius vel recentiora cognoscant, quæ inter nos, posteaquam Regni huius nostri Principatum gerendum suscepissemus, & Magnum Moscorum Ducem intercessissent: quæ quidem istiusmodi sunt, ut facili pateat, nihil à nobis prætermisum esse, quod ad Principis Christiani officium ad virandum Christiani sanguinis discrimen, ad constituendum ex æquitate cum eo hoste concordiam, pertinere posset: ab illo autem, quæ suscepta actæque sunt, omnia cum hostilibus iniurijs coniuncta, & ad arcium, civitatum, ditionumque nostrarum circumventionem & detrimentum, nostrique nominis dedecus comparata fuisse. Nos quidem simul ac in Regnum hoc nostrum pervenissemus, ut cæteros Principes Christianos, partim nostro, partim ordinum Regni nomine, ita etiam Magnum Moscoviæ Ducem de ac-

A cessione

cessione dignitatis potentieque nostræ, deque optima nostra cum eo etiam pa-
 cis constituendæ colendæque voluntate, fecimus per internuntios nostros cer-
 tiorem. Et dederat verbis, nonnullam tum significationem, mutæ volunta-
 tis atque studij sui erga nomen sanguinemque Christianum, & literas addi-
 dit, quibus ampliori alicui legationi nostræ securitatem accommodabat, &
 peculiari epistola, quæ etiamnum nostra in potestate est, confirmabat, se im-
 perasse suis, ut dum mutuo inter nos per Legatos res agerentur, ab omni in-
 iuria maleficioque in nostros abstinere, exposcēs, ut eadem ad nostros mā-
 data daremus. Et si verò tam callide hæc simulare non posset, quin se etiam
 tum proderet, verbis in nomen nostrum iniuriosis, infestus illius erga nos ani-
 mus, tamen cum eo se vsque tantū iacturam eius esse superbiam, in poste-
 rum vero illum ad mentem meliorem, & publicæ pacis, & suorum salutis cu-
 ram aliquam reuocatum iri existimarem, habita à nobis eius literarum cō-
 firmationi fides est: pro qua quidem fiducia, & mandata nostris dedimus, ut
 cum Moscis inducias diligenter cōseruarent, & ad ipsum Moscouiæ Ducem,
 Legatos quàm amplissimos, Magnificum Stanislauum Kryski Masouæ Pala-
 tinum, Nicolaum Sapiha Palatinum Minsensem, ac Theodorum Skum in
 Curia nostræ Lithuanie Thesaurarium misimus. Quæ dum à nobis fiunt, il-
 le violata promissi fide (qua nos inducti, tantum abest, ut ab eo, dum nostri
 ad illum Legati proficiscerentur, hostile aliquid pertimescendum putarem, ut
 tuta nobis atque amica omnia polliceremur) subito nulla, aut renuntia-
 tione induciarum, aut belli denuntiatione adhibita, cum exercitu ipse, adeo-
 que vnâ filius natu maior Liouoniam inuasit, ac fraude potissimum, & conspi-
 ratione adductis in potestatem subditis nostris, in libertatem, liberos, con-
 iuges, vitam, ac sanguinem Christianorum hominum crudelissimè flamma
 ferroque grassatus est, arcibus nonnullis ditionis nostræ, dum extremis in fi-
 nibus Regni nostri necessario versamur, insidiosè occupatis: quo tempore,
 quæ illius in trucidandis per acerbissimos cruciatus captiuis truculentia, quæ
 flagitiosa in vexandis honestissimis nobilissimisque foeminis turpitudine, quàm
 inexplēbilis in hauriendo sanguine Christiano sitis, & in omni genere iniuria-
 rum immanitas fuerit, commemorari satis non potest, & qui supersunt cru-
 delitati, & modis aliquibus se ex illa acerbitate liberarunt, satis ista testantur.
 Accesserant iam tum Oratores nostri ad ipsos Moscouie fines, cum inexpecta-
 tum de his Mosci cœptis accipiunt nuncium, quo quidem permoti, ad fines
 Moscouie subsistunt, nosque faciunt de violata pace, de qua literis suis Ma-
 gnus Moscouiæ Dux nobis confirmauerat, diligenter certiores. Et si verò ab
 illo hæc fieri indignissime perspiceremus, tamen adducti, studio consulendi
 Christiano sanguini, atque hæc sine maiori Christianarum vtrunque Prouin-
 ciarum vastitate, atque incendio, ad tranquillitatem & pacem reuocandi, mā-
 data nostris Oratoribus dedimus, ut se nihilominus ad ipsum Magnum Mo-
 scouie

ſcouiæ Ducem conferre pergerent, & penitius, quis illi pacis nobiſcum colē-
 dę ſenſus eſſet, explorarent, ablatas verò à Moſco eo tempore res, contra li-
 terarum fidem, vt repeterent, & quę ſubditis noſtris ab illo calamitas proxi-
 mē allata eſſet, eam modis omnibus ſarciri poſtulerent. Quid tum verò? cum
 perueniſſent Oratores noſtri, ac Moſcus agere cum illis per homines certos
 ſitos cępiſſet, ſubito ad omnem ſuperbiam, atque animi impotētiā deſcē-
 dit: Liunioniam non modo ab omni pacificatione, verum etiam mentione fa-
 cienda excluſit: nos dignitatēque noſtram Regiam, ijs verbis atque ſcrip-
 tis, à quibus non modo Principem virum, eumque Chriſtianum, verum quē-
 uis etiam cuiuſuis ordinis abhorreſcere quā maxime decet, acerbē violauit, in
 Regnum noſtrum Poloniæ, Magnumque Lithuanie Ducatum ius ſibi arro-
 gauit, idque vaniſſimis modis aſſeruit, dum à Pruſſo nunquam inter mor-
 tales cognito aut nato (quem Octauij Cæſaris fratrem, generis vero ſui aucto-
 rem fuiſſe contendit) orſus, ab eo ſe eſſe propaginem quartamdecimam ſi-
 gnificauit: quibus quidem generis ſui vaniſſimis deliramentis, ſibi itis perquā
 abſurdē in vniuerſum Poloniæ Regnum, Magnumque Lithuanie Ducatum,
 aliasque Prouincias vendicare inſtituit. Ad hæc omnia, cum poſt multas va-
 riasque actiones, noſtrorum Oratorum, cum Conſiliarijs Magni Moſcouiæ
 Ducis, quos eam ad rem designarat, de certa induciarum ratione conueniſ-
 ſet, noſtriſque pro eo ac vtrinque conuenerat, ſuas de eo literas perſcripſiſſent,
 & Magno Moſcouiæ Duci tradidiſſent, ille ſuas, quas è conuerſo dater, nō (vt
 facere par erat) ad ſimilitudinem literarum earum, quas Oratores noſtri ob-
 tuliffent, veritatēque mutux inter Legatos noſtros eiufque Conſiliarios cō-
 uentionis, ſed ad arbitrium libidinemque ſuam ita perſcripſit, vt inducias ad
 Liunioniam pertinere nolle, quinimō nō modò eam ſibi cum Curlandię Du-
 catu, verum etiam quicquid nobis uſque ad Pruſſie fines ditiorum eſt, (in-
 ter eſt autē ipſius Lithuanie pars) cedi à nobis oportere ſignificaret, quas ſuas
 literas ita perſcriptas, cum in eas iurandum dediſſet, noſtris Oratoribus
 per vim ſuperbē obtrufit. Qua de re cum nos Oratores noſtri ante ſuū è Moſ-
 ſcouia diſceſſum, facerent certiores, ad Magnum Moſcouie Ducem, ex auli-
 cis noſtris, internuncium miſimus, Nobilem Petrum Haraburdam, iterata
 cum teſtificatione propenſionis noſtre, colendę cum eo pacis atque concordie,
 idque rei Chriſtianæ conſulendę cauſa, qua quidem in teſtificatione lu-
 culenter oſtendimus, ſi commune idemque vtriuſque noſtrum iuramentum
 eſſe deberet, communem eo iuramento inter nos atque omnes prouincias no-
 ſtras pacem comprehendere oportere. Neque enim honeſtati atque rationi cō-
 grueret, ſi iuſturandum, de pace inter duos ſuſceptum, bellum quacunque
 de prouincia inter eos ipſos conſequatur, quodque ſanctiſſimum concordie
 vinculum ſit, in eo locus hoſtilitati relinquatur. Conuenire præterea nobis tā-
 quam principibus Chriſtianis, vt nos dictis factisque omnibus, ita maxime re-

ligioſe iſti iuriſſurandi affirmationi, conſtantiam adhibere. Curandum igitur eſſe, vt ne qua inter nos fidei, rectęque factorum noſtrorum conſcientię, viſ afferatur. Quę noſtra equitatis optimięque ſtudiij plena cohortatio, tantum abeſt, vt ponderis aliquid apud Moſcum habuerit, vt internuntium noſtrum, poſteaquam admiſiſſer audiretque, à ſe longè remoueret, & in modum captiui diu inuitum retinuerit, cumque ſuos ad nos Legatos miſiſſer, in Liuania, miſſis iam ad nos Legatis ſuis, arces noſtras, ac ſigillatim Vendam bis oppugnauerit: Quod cum per inſignem faceret iniuriam, effectum Dei omnipotentis beneficio eſt, vt & exercitus ille, à noſtris copijs, cum ad eas Suetica auxilia acceſſiſſent, deletus ſit, & in poteſtatem noſtram tormenta aliaque, quibus noſtra oppugnabat, cuncta peruenerint. Sub id ipſum tempus Legatos Moſchicos ad nos Cracouiam, in ipſum Regni noſtri quaſi domicilium atque ſedem admiſimus, cum eo tum loco, per magna propè vndique gentiũ Chriſtianarum, frequentia hominum verſaretur, Legati externorum Regum Principum atque nationum aſſent: quorum in oculis, cum eos audiendi cauſa ad nos in Senatum noſtrum perhonorificè, vt fieri inter Principes par eſt, introduci curaviſſemus, à ſaſtu ſuo noſtręque dignitatis contemptione orſi, ad explicanda, que haberent, mandata, nulla cohortatione ſe paſſi ſunt adduci, quod à Magno ſuo Duce preſcriptum ſibi eſſe ſignificaret, ne que apud nos verba facerent, niſi nos antè, que à nobis ſuperbè atque ad derogandum dignitati noſtrę, in quodam genere habendi ſibi honoris ſtagitent, preſtituſſemus. quod cum nobis minime committendum iudicaſſemus, neque illi à ſaſtuoſa pertinacia ſe deduci ſinerent, etſi iterum atque iterum ab illis, vt dicerent, contenderetur, indiſtis rebus è Senatu noſtro, atque adeò Cracouia diſceſſerunt, atque ita re vlla non modo non conſecta, ſed ne affecta quidem diciue ab ijs cœpta permiſimus, vt ſe in Moſcouiam referrent. Quę omnia, vt perſpicuè teſtantur, quale noſtrum extiterit ſuſcipiendę cum hoſte illo cõcordię paciſque ſtadium, quod conſulendi ſanguini ac tranquillitati Chriſtianę deſiderium, ita oſtendunt planiſſimè, Magnum Moſcouiæ Ducem eò potiſſimum incumbere, hoc agere, huc omnes ſenſus conatuſque ſuos conferre, vt nobiſcum hoſtilibus iniurijs perpetuò diſſideat, & cum ditionibus noſtris, tum nomini amplitudinique noſtrę modis omnibus derogatum velit. Miſit ad nos poſtea per Nuncium ſuum literas, quibus à nobis poſtulat, vt in ea induciarum verba, quę citra Oratorum noſtrorum aſſenſionem perſcripta oſtendimus, iuriſſurandum daremus, Legatis ſuis redeundi ad ſe poteſtas fieret, & ſi xiſum nobis eſſet, Oratores ad ſe iterum mitteremus, qui de Liuania ſecum agerent. Quàm autem & ab equitate, & ab officio dignitateque noſtra alienum ſit, ad ea nōs iureiurando deſcendere, quibus non modo aſſenſum nullum, vñquam accommodauimus, ſed de quibus nos cogitationem aliquam ſuſcipere non oportere intelligimus, quis non perſpiciat? Qui enim nos eius crudeli-

crudelitati Liuoniam, Curlandiæ Ducatum, ditionesque alias nostras, quæ Lithuanici iuris intermediæ inter Liuoniam & Prussiæ fines sunt, permittere possimus, quæ nobis pro Regio nostro Sacramento, quod in nostra Regni inauguratione verbis solemnibus dedimus, omni fide, cura, conatu tuenda, & ab aliena potestate, vitæ etiam nostræ discrimine defendenda intelligimus? quod quidem officinæ nostrum, ut nobis antiquissimum commendatissimūque semper fuit, ita alienæ ab eo voluntatis significationem nullam vnquam dedimus, neque de ea Oratoris nostri quicquam polliceri potuerunt, atque adeo constat, minime pollicitos esse. Nam quæ illi in verba cautionis suæ de inducijs perscriptæ iurarunt, ea ab omni istiusmodi concessione longè remota sunt. Quæ verò non modò pacis inter Principes ferendæ, sed inter priuatos etiam conventionis alicuius ineundæ ratio, quæ vis, quæ necessitudo esse possit, vbi res alterius cupiditate atque arbitrio geratur, alterius non modò nulla consensio volūtāsque, sed ne quidem suscepta aliqua cogitatio accedat? non vtrinque voluntatibus ad consensionem adductis, & literis non tantum sententiarum, sed propè verborum omnium similitudine perscriptis, negotiū administraretur? Quod quidem ita administrari & solere & oportere, hunc ipsum hostem nostrum fugere haudquaquam potest, ut non iuris æquitatisque memorem, at ea tantum recordantem, quæ in faciendis inducijs, & pace ferenda, inter Serenissimos prædecessores nostros, atque eius maiores, adeoque cū illo ipso, antehac suscepta atque vsurpata fuerūt. Neque verò minus, quàm superiora illa & hoc iniquum est, quod Magnus Moscouiæ Dux, nos in literarum suarum verba iurare voluit: quæ quidem literæ, etsi ex voluntate atque consensione vtriusque nostrum, ac literis Oratorum nostrorum congruenter scriptæ fuissent, tamen ut ille in cautionis suæ formulam iurasset, ita nos in nostram iurare conueniret: tantum abest, ut à nobis in eas literas iusiurandum rectè possit exigere, quæ ab ipso pro arbitratu suo perscriptæ, ab animi nostri sententia, mandatisque nostris, & Legatorum nostrorū assensu, plurimum dissident. Quæ omnia quàm plena iniuriæ doli que fuerint, quis non facillimè perspiciat? cuius quidem doli studia, ex eo se etiam ostendere, quod quæ communicata, gesta, actaque inter Oratores nostros, & eos, quibus agendi cum nostris Moscouiæ Dux negocium dederat, quæque ab ipso Duce cōstituta fuerant, Legati eius, cū ad nos Cracouiam venissent, profiteri atque explicare minimè voluerunt. Ad has verò omnes fraudum technas, mox armata vis, aperteque iniuriæ accesserunt, cū nō modò Liuoniam assiduīs direptionibus ac bello infestū habere Moscouiæ Dux non desineret, verum etiam in finibus Vitepscēsis, in ipsa Magni Ducatus Lithuanici ditione, propugnaculum nuper collocaret, ac per suos rei militaris præfectos, illis etiā locis, subditos nostros trucidare alios, alios crudelissime diriperet se denique; maxinis delectibus habitis, magis magisque cōtra nos armaret: quæ quidē

de re, cùm non modò ad nos Illustris Curlandię Ducis, & Rigenfium, fimul etiã noſtrorum in Liuania præſidiariorum, quotidiani nunciij ac literę peruenirent; ſed ſumma etiã implo ratio opis defenſionisq̃ue noſtrę accederet, nullo modo debuit potuitq̃ue belli adminiſtratio diutius à nobis differrī. Proinde iuſtiſſimis iſtis grauiffimisq̃ue cauſis adducti, repudiandas minimeq̃ue iuramento noſtro confirmandas Moſci literas, de inducijs, ab ipſo arbitrato ſuo perſcripras nobis eſſe iudicauimus: quinimò ipſas in Moſcouiam ad Magnum Ducem, expoſitis quibus id faceremus de cauſis, per internuncium noſtrum remiſimus, ac hoſti illi bellum iuſtum legitimumq̃ue indiximus, cùm iam tum ille maximas contra nos copias ad Pleſcouiam coactas haberet. Quod ad Oratores attinet, quos remitti poſtulauit, eſſi qui neque literas, quibus fidem legationis ſuę facerent, nobis reddiderint, neque vllam legationis partem explicarint, exploratorum potius quàm Oratorũ loco haberi à nobis meritò potuiſſent, tamen quod Oratoribus noſtris in Moſcouia ſignificatum intellexiſſemus, Legatos eos ad nos miſſum iri, nihil illis in omni genere & honoris habendi, & lautia conferendi vllò loco ditionum noſtrarum deeſſe ſiuimus, permiſimusq̃ue, vt quod facere obſtinauerant, nullis rebus apud nos expoſitis, ſe in Moſcouiam referrent. Quod verò poſtulat, ut noſtros Oratores, qui de Liuania agerent, iureiurando prius in eius literas de inducijs dato, iterum ad ſe mitteremus, non perſpicimus, quid agi de Liuania per Oratores poſſit, ſi antè iurati in eius conditiones (quod expoſcit) non tantùm de Liuania atque Curlandia, verùm etiã parte noſtrarum Lithuaniae ditionum, quę medię Curlandiam ac Prufſiam dirimunt, decederemus. Minimè igitur nobis committendum eſſe intelligimus, vt noua legatione, nihil aliud, quàm Prouinciarum noſtrarum iacturam, ac nominis noſtri indignitatem aliquam incurramus. Intelligi atque adeò cerni arbitramur, quale noſtrum fuerit ſtudium, vitandi omnem Chriſtiani ſanguinis profuſionem, quod noſtrum pacis tranquillitatisq̃ue deſiderium, pro quo quidem nos, ijs rationibus, quę ſupra expoſitę ſunt, experiri pacis conciliationem cum hoſte illo contendimus, atque omnia indignitatum genera, quę Maieſtati noſtrę Regię ab Magno Moſcorum Duce allatę eſſent, libenter tranquillitati publicę atque ſaluti, ſanguini, fortunęq̃ue hominum Chriſtianorum condonauimus: verùm his noſtris omnibus ſtudijs ad concordiam pacemq̃ue propenſis, tantum abeſt, vt quidquam ab eo æqui boniq̃ue conſecuti ſimus, vt ille hoc magis effrenatę ſuperbię, atque impotentię animi ſui indulſerit, & quę ad contumeliã noſtram, noſtrique Regni & Magni Ducatus Lithuaniae detrimentum pertinere poſſent, ſuſceperit. Cui quidem ſci, vt modum aliquando finemq̃ue ſponte ſua facturum illum deſperemus, ſacit inueterata iam perpetuęque eius cum Sereniſſimis prædeceſſoribus noſtris ſimili genere agendi ratio, quam quidem ex ea iniuria eſtimare licebit, qua Diuũ

Sigismundum Augustum Serenissimum prædecessorem nostrum affecit, cum missos ad se ex ordine Senatorio splendidos Oratores, Palatinum Inouladislabiensem, & Castellatum Samogitiensem contumeliosè tractauit, & multis indignissimis contra gentium iura violauit, hominem Nobilem ex Serenissimi prædecessoris nostri aulicis spoliavit, & cum res quasdam preciosiores inspiciendi causa accepisset, superbè retinuit, mercatoribus qui vnà venissent, magnam mercium vim eripuit, equos in Oratorum illorum conspectu productos ferro diffecari curauit: à qua indignitate vindicanda, cum Diuum illum antecessorem nostrum mors, quæ breui subsecuta est, exclusisset, nos per Oratores nostros postulauimus, vt iniurias eas id temporis illatas, sarcire studeret, cui quidem postulationi nostræ, nullum animus eius, iniuriæ pertinacissimus, reliquit omnino locum. Quid illa, quæ Serenissimo antecessori nostro Henrico Regi per literas de pace vtrinque retinenda promiserat? & contempta promissi fide, non ita multò post capta Pernauia, alijsque Liunioniæ arcibus in potestatem suam reductis violauit? Qua quidem fidei vanitate, maiores etiam eius erga Serenissimos prædecessores nostros prope omnes vsos esse perspicimus. Neque enim obscura est plurium, qui ista verè temporis prodidere consensio, & maiorum istius Ducis Moscouiæ literis, quæ in tabulario Magni Ducatus nostri Lithuanie seruantur, comprobari potest, quàm sæpè Magni Moscorum Duces Serenissimis Poloniæ Regibus, pace suscepta, ac iurifurandi religione sancita, ad tranquillitatis fiduciam adductis, & contra barbaros nominique Christiano infestos populos bella gerentibus, fidem impie frigerint, pacta omnia violauerint, & redintegrato bello, vel à necessaria prædecessores nostros contra Ethnicos defensione, vel pulcherrimis pro Repub. Christiana cæptis reuocarint, & obsistere suis iniurijs coegerint. Quorum maiorum in dictis factisque inconstantiam, fraudem & insidias, hic Ioannes Basilij filius, hostis noster, non modò omnem in se admisit, verum etiam auxit, idque tum maximè egit, cum literis missis ad Diuum Sigismundum Augustum Serenissimum antecessorem nostrum, de securitate Oratoribus præstanda, qui ad se de pace concilianda mitterentur, scriptis, subito Polociam inuasit, occupauitque, consimili fraude erga nos vsus, cum postea quàm nobis fiduciam pacis attulisset, repente Liunioniam armis oppugnavit, & tamen nos, Regnum nostrum Poloniæ, Magnum Lithuanie Ducatum à defensione eius Prouinciæ excludere instituit. Quandoquidem igitur spes nulla nos tenere amplius potest, ad mentem fidemque meliorem Magnum Moscorum Ducem se vnquam recepturum esse, quinimò iniurias veteres recentioresque nouis quotidie magis magisque accumulæ, certè pacis fiduciam nullam afferat, omnia ad nos circumueniendum derogandumque cum nomini tum ditionibus nostris suscipiat, nos adhibitis atque adeò consumptis omnibus studijs nostris, quibus fida atque æqua inter nos pax conciliari, & rei sanguinique

nique Christiano consili possit, expleto iam omni officio Regis Christiani,
 hanc rem & Deo præpotenti, oculis hæc suis iustissimis aspicienti, & legitime
 vendicationi permittendam iudicamus. Quo nomine remissis illis insidiosis
 induciarum literis, bellum iustum legitimumque, Ioanni Basilii filio, Magno
 Moscorum Duci denunciauimus: quo bello multiplicem nobis, cum ab ip-
 so Magno Moscorum Duce verbis literisque, tum ab eius Legatis factam con-
 tumeliam, allatasque subditis nostris acerbissimas multis iam annis iniurias,
 & detrimenta omnia, quæ Regnum nostrum Magnusque Lithuanie Duce-
 tus accepit, armis propulsare & vindicare in animo habemus. Vt verò per-
 spicuum sit omnibus, nos ad eorum, qui Magno Moscorum Duci parent, ho-
 minum Christianorum calamitatem aut sanguinis profusionem minimè ferri,
 declaramus nos ita armis nostris moderaturos esse, ut ne iis (quanta maxi-
 ma cura ac studio caueri poterit) quisquam violetur, qui non aut in præsidij
 aut acie suo periculo propugnandas hostis nostri partes susceperit. Nam ut ab
 vno Magno Duce causas omnes, quibus in arma hæc impellimur, profectas
 esse intelligimus, ab vno nos honorem dignitatemque nostram oppugnari,
 ac prouincias nostras illius vnus libidine appeti ac furi perpicimus, ita in
 vno illo vindicare omnia, vnus refrenata audacia grassandique atrocitate,
 in posterum tranquillitati publicæ paci que Christianæ (si fieri vlla ratione pos-
 set) consulere desideramus. Quæ cum ita sint, spe vel potius fiducia magna
 sumus, & Deum Opt. Max. quod bellum grauissimis iustissimisque, atque
 adeo pernecessariis de causis iniuimus, nobis, exercitibus nostris, ac Respub.
 vniuersæ, quam obtineamus, benè & feliciter fortunaturum esse, & principes
 Christianos, adeoque omnes homines, qui ista accipient, facile arbitratu-
 ros, nos ad bellum hoc permagnum non temerè neque vlla profundendi san-
 guinem Christianum (cui prodesse, consulere, cauere semper studuimus) cu-
 piditate ferri, sed ad ea hostilibus tot temporum per summam atrocitatē cru-
 delitatemque exercitis iniuriis impelli, nostra dignitate, & Regni nostri Ma-
 gni que Lithuanie Ducatus, cæterarumque prouinciarum nostrarum statu, &
 subditorum nostrorum salute, fortunis, vita, sanguine, quem hostis ille tru-
 culentissimus iam nimium diu immaniter hausit, necessariò commoueri, cõ-
 silio iudicioque omnium Regni nostri Magnique Lithuanie Ducatus ordi-
 num duci, denique nos fidam stabilemque tranquillitatem, & publicam in-
 ter populos Christiani nominis pacem concordiamque spectare. Quæ quidē
 belli nostri causæ, quæque animi consilii que nostri ratio, etsi de militum no-
 strorum studiis, alacritate, fortitudine, fide, nobis dubitationem nullam re-
 liquit: hortamur tamen, ut animum ad res nostro ductu in hostem hunc no-
 strum gerendas magnum fortemque adferant, existimētque & gloriæ & feli-
 citatis summam in eo potiss. versari, si pro tam iusta honesta que causa dimi-
 cetur: subditi nostri diuturnas grauesque iniurias hostiles, vel à se vel ciuibus
 suis

fuis adhuc perpēssas, hoc tempore pro more, vi tute, rebusque gestis maiorum suorum, & vindicandas & in omne tempus sibi depellendas statuāt; extranei pro vicinorum laute, suam in discrimen vocare, fortissimeque armis contendere pulcherrimum, necessitudini quæ vicino ad vicinum est convenientissimum, & delere proximi parietis incendium, suæ suorumque securitati utile existiment: omnes sibi tam iusto in bello summa fortium factorum studia esse adhibenda iudicent: quorum hoc maior laus a quæ gloria, quinque consequetur, quod in graviore hoc maioreque bello contra crudellem universi propè generis humani hostem nobiscum versabitur. Nos profecto cuiusque militum nostrorum virtutem, fidem, operam, conatum in omni genere præclare factorum, ea benevolentia, gratia, munificencia prosequemur, vt neminem gestę abs se fortiter rei

pæniteat, omnes intelligant nos cuiusque industrię

fidei, fortitudini sua præmia ornamentaque libenter tribuisse.

Suiri die duodecima lunæ

lii. Anno Domini, M. D. LXXIX.

M. Anno Regii, vero nostri Anno

no Quarto.



EDICTVM REGIVM DE SVPPPLICATIONIBVS

OB CAPTAM POLOCIAM.

*Stephanus Dei gratia Rex Polonia, Magnus Dux
Lithuania, &c.*



A NIVERSIS & singulis, Reuerendissimis, Reuerendis, Magnificis, Generosis, Regni nostri Consiliarijs, Dignitarijs, officialibus, nobilibus, atque alijs ordinibus omnibus, Syndectis & fidelibus nobis dilectis, gratiam nostrā Regiam Reuerendissimi, Reuerendi, Magnifici, Generosi sincere & fideles nobis dilecti. Quod superioribus proximis omnium Reipub. Ordinum comitijs decretum fuit, vt bellum hoc anno contra Magnum Moscorum Ducem administraremus, curę nobis pro Regio nostro munere, nostroque in Rempub. studio esse siuimus, & contractis exercitibus nostris, comparatoque aliquo partim contributionum pecunijs, partim (quod contributionum pecunię minime satisfacerent) alijs rationibus belli apparatu, extremā Iunii die Vilna ad copias nostras recensendas lustrandasque Suirum discessimus. Quo quidem in loco, multa nos diligensque deliberatio tenuit, quorsum nos potissimum cum exercitibus nostris in hostem conferremus, quidque rectissimē, & quā maxima cum utilitate Reipub. nobis ante omnia, bello aggrediendum esset. Rebus verō omnibus in accuratam considerationem vocatis, ex iudicio, & Senatorum nostrorum, & aliorum militarium virorum, qui nobis aderant, eam tandem in sententiam descendimus, vt primam nostrorum armorū vim, ad Polociam oppugnandam conferri oportere concluderemus, quod quidē ea arx ceruicibus Magni Ducatus nostri Lithuaniae, atque adedō ipsi ciuitati nostrę Vilenfi, nulla alia firmiore munitione interiecta immineret, ex qua arce, nobis in alijs remotioribus Regni locis occupatis, oblata occasione summam non modō Lithuaniae diripiendę, sed Vilnę etiam adoriendę, facultatem hostis habiturus videretur. Faciendum pręterea necessario nobis visū est, vt cum bellum hoc, non modō rerum communis Reipub. recuperandę causa, sed hostem quā longissimē remouendi, grauiusque coercendi gratia susceptum habeamus, expeditionibus nostris, in his potissimum regionibus.

gionibus, maxima anni parte, aut frigoribus grauissimis, aut imbribus afflic-
 tuis militis infestis, tum quoque ob valuitatem difficillimis, propinquiorem
 aliquam sedem & quasi officinam, quam ipsa Vilna esset, compararemus: ex
 qua quidem officina, quam maxime integrum recentemque militem, peni-
 tius in solum hostile ducere, & belli instrumenta impedimentaque, mino-
 re cum negotio ad res cum celeritate felicitateque gerendas transferre posse-
 mus. Quanta enim cum difficultate ac detrimento, Vilna illud facturi esse-
 mus, breui hoc itinere, quo cum exercitu nostro progressi sumus, magna no-
 stra cum molestia cognouimus. Accessit & illud, quod hac arce, (qua fir-
 miorem maioremque Moscus nullam habet) expugnata, de alijs retinendis
 hostem eo magis diffidere, & occupandis militem nostrum sperare docere-
 mus. Tantum vero abfuit, ut nos eo deterreri oportere iudicaremus, quod
 locus ille ab omni opere belli que apparatu firmissimus esse perhiberetur, ut
 hoc potius de principio nobis, recentibus militum nostrorum viribus animis-
 que, quam ijs militis diurnitate afflictis tentandum existimauerimus. Cum
 igitur nihil factu potius vtiliusque iudicatum esset, nos factis ab inuocatione
 opis diuinæ auspicijs, Suiro primum illustrem Nicolaum Radiuulum Pala-
 tinum Vilnensem, cum aliquibus equitum peditemque Lithuanorum copijs,
 & certo Vngarorum numero, cum Generoso Gasparo Bekes, Polociā præ-
 misimus, itinerum claudendorum causa, ne quid à Magno Moscorum Du-
 ce præsidij accederet: quo etsi maioribus itineribus in magna etiam vie diffi-
 cultate peruenisset, tamen cum iam antè nostras ad hostem literas misissemus,
 quibus bellum ei diligenti cum explicatione causarum denunciauimus, bi-
 duo antequam nostre illæ copiæ ad Polociam accessissent, equitum & pedi-
 tum aliquid ab hoste in arcem immissum fuit: adhibita vero à Palatino Vil-
 nensi, posteaquam propinquo ad arcem loco confedisset, ea diligentia est, ut
 post nullius subsidij hostilis accessio facta sit. Nos cum exercitu nostro, & tor-
 mentis impedimentisque bellicis, in summa viarum iniquitate, quam pluri-
 rum assidua magnitudo, & istorum agrorum natura effecit, minoribus ite-
 neribus subsequuti fuimus: interea à copijs nostris, quæ præcesserant, arces
 tres, Cosiana, Crasna, & Sislina per excursionem celeriter occupatæ & incen-
 dio deletæ sunt. Undecima Augusti die, proximè Polociam cum copijs om-
 nibus nostris mouimus, & propinquo ad mœnia loco castra metati sumus,
 arcem ciuitatemque tribus locis obsidione cinximus, eademque die locis om-
 nibus munitiones fossasque propius hostem agere iussimus. Postridie ciuita-
 tem, notè mediocriter fossis, & aggere, & propugnaculis, & parietibus den-
 sissimis, tum quoque præsidio firmam, ea maxime de causa, quod illo loco
 nos à propinquiore ad arcem accessu prohiberet, incendimus, ac totam pau-
 cis horis deleuimus. Tum longius munitionibus nostris ad ipsas arcis portas
 promotis, omni conatu in arcem expugnandam incubuimus, ac ostendemat

vi sua præpotens Deus, in manu sua rerum gerendarum potestatem esse, & assiduas pluvias pluribus diebus ita immiserat, ut & operum militum maiora, in modum impedirentur, & oppugnandi ratio, etiam atque etiam retardaretur: constitit tamen militi nostro in maximis, etiam incommodis singularis animorum ad omnia obeunda tollerandaque ardor, sic ut in summa pluviarum iniquitate, altissimoque luto nihil prætermitterent, quæ ad oppugnandum pertinere possent, hostibus contra omnes nostros conatus acerrimis animis, & incredibili tormentorum vi, ita dies noctesque propugnantibus, tanta peruracacia, & flammis à nostris illatas extinguerebus, & vim omnem depellentibus, ut se tormentorum telorumque nostrorum iniurijs certatim offerrent, & succumbentibus alijs alij confertim succederent, ostenderentque, Moysi hos arcium defendendarum viarumque ardore cæteris omnibus generibus antecellere. Respexit verò tandem nos sua benignitate clementissimus Deus, concessitque, ut quæ prima nobis paulò serenior dies vicesima nona Augusti illuxit, ea incendium à milite nostro arci illatum sit, summa cum contentione atque discrimine, cum se miles noster in fossas demitteret, & Polottan flumen superare, denique arduum clium, cui impostum propugnaculum erat, subire, & manibus materiam ignemque inter infestissima creberrimaque hostium tela inferre necesse haberet: quod incendium cum vehementius exarsisset, & munitionis anterioris aditum aliquem patefecisset, teneri militum nostrorum ardor non potuit, quin per ipsam flammam irumperet, atque hostem feriret, à quo tamen cæpto, cum propugnatione hostili, tum maxime flammæ vi reiectus est, parvo cum nostrorum, neque amplius viginti septem desiderans, pluribus tamen vulneratis, hostium vero ad ducendorum interitu. Dederat aliquam hostis eadem die deditionis significationem, quam non seriam fuisse animaduersum fuit, cum nō quis se munitionibus, flammæ altitudine nostris conspectum eripiente, circumdare deinceps cognitum esset. Nulla igitur cum intermissione oppugnationis vim omnem adhibendam, nullum hosti quiescendi, aut se firmius muniendi spacium concedendum iudicauimus, posteroque die ignem in alias munitiones partes miles, in quo equites etiam erant, qui missis equo in pedes descendebant, intulit: quo cum iterum aliqua muri pars deleta esset, & clium in quo propugnaculum antea igne absumptum erat, miles tenuisset, ac deinde ad laus hostilium fossarum, ac munitionum illa parte deleta tumultuario opere factarum, fossas ac munitiones ducendo præsidiarios circumire se coepisset, atque sic in potestate hostis esset nos, & sanguini Christiano parcendum, & operam dandam rati, ut arcem quam maxime integra cum tormentorum aliorumque belli instrumentorum apparatu potiremur, quæ hostis ipse ad extremum iniecto igne delere posset, facta omnibus vitæ gratia permisimus, ut qui nobis militare vellent (quorum qui velint magnus san-

est numerus) fortunas omnes suas incolumes conseruarent, atque stipendia nostra mererent, quibus cedeundi in Mosconiam animus esset, id nobis per mittentibus, atque omnem securitatem praestantibus faceret, Cyprianus Archiepiscopus Velicolacensis Graeci ritus, a quo & Polocensem Episcopat- tum coniuncti in administrari Moscus voluit, & Palatini Basilus Iuanovicz Melniski Telatovvski, Demetrius Michalovicz Sczerbati Obolinski Matheus Iuanovicz Rzovvski, Iuan Htehoroviz Susin Petrus Iuanovicz Volinski, Lukian Tretiakovv Rakovv filius scriba, qui partim praeficere, partim in arce suere, cum se sponte dedere, ac gratia nostrae permittere nol- lent, captos in custodijs habemus, & atque ipsam praesidio nostro immisso iam obtinemus. In qua quidem arce, qui eam defendissent, & arma tulissent, vltra sex milia fuisse compertum est. Nostri cum ingressi essent, passim ma- gnum cadauerum insepulcorum numerum repperunt, tum tormentorum ac pulueris tormentarii globorumque tantum vim deprehenderunt, quanta in arce aliqua Christiani orbis his rebus instructissima posset reperiiri. Quos quidem reigesta secutus, vt in primis ad Deum praepotentem referimus, ita illis summa animi pietate agimus gratias, ac sync. & fidel. vestras horta- mur, vt easdem pro bene gesta Repub. agant, simul etiam comprecantur, ve quae gerenda supersunt, quaeque in hostem, hunc deinceps, etiam suscipie- mus, inde m. clementissim. e fortunare dignetur. Quod illum pro sua benigni- tate, & causae quae hac nobis arma induit, bonitate, facturum confidimus. Nos quidem ad res pro communi Repub. gerendas, omne animi studium, incuram, laborem, operam, sanguinem, adeoque vitam nostram cupidè semper prompteque afferemus. Datum ex arce nostra Polocen- raugiam, si, die, vltima mensis Augusti, Anno Domini, M. D. cccc. lxxix. id est LXXIX. Regni vero nostri Anno Quatto.

Stephanus Rex subscrip.

B 3 EPI

EPISTOLA QVA ORDINES AD REGNI COMITIA CONVOCANTVR.

*Stephanus Dei gratia Rex Polonia, Magnus Dux
Lithuania, &c.*



MAGNIFICE sincere dilecte, posteaquam superiores
proximas nostras ad sincer. vestram, & ceteros Regni no-
stri Consiliarios de capta Polocia, aliisque rebus gestis li-
teras dedissemus; facta maior etiam hac rerum nostrarum
accessio est, ut cum Vilnen. Capitaneus cum nonnullis no-
strorum militum Turouulam, ad arcem in Dinæ ripa si-
tati excurrisset, & hosti conspicienti opinionem attulisset,
copias vniuersas nostras oppugnandi causa accedere, presidium omne ho-
stili metu perculsum; se per auersam portam arce, ac palatio arcis deserto,
fuga eripuerit, quo pacto arce ea integrè poriti sumus. Misimus eodem tem-
pore Magnificum Palatinum Podoliensem cum copijs Sokolam oppugna-
tum arcem quinque miliarium interuallo Polocię imminentem, & magnum
presidium ex ijs copijs tum habentem; quę cum Polocię a nobis circumfesa
subsidio missę essent exclusę a nostris ab accessu, illo loco confederant.
Quā quidem ad arcē cum nostri castris positis ac munitionibus actis accessis-
sent, eam ad vndecimam huius mensis diem globis candentibus inflamma-
runt, e quo tanta subito incendij vis exiit, ut dum hostis per ipsas flammās
acerrime pugnaret, atque eruptionibus in nostros impetum faceret, nostri
rem fortissimè contra hostem gererent, arcem vniuersam flamma complexa
sit, planeque deleuerit. Hostem igitur (qua de re maximas Deo prepotenti
gratias agimus) toto prope agro Polocensi arcibus ac munitionibus omni-
bus exutis, Susia excepta, quę quidem arx propius Lithuania sita cum sit,
longiusque iam ab hostis nostri ditione absit, excluso subsidio aditusque Mo-
scorum sponte in potestatem nostram ventura videtur, ut vis nulla adhibea-
tur. Omnibus rebus bene felicitèque Dei benignitate confectis, etsi per-
magno continuandi nunc nostrum rerum gerendarum cursu, & penitus nul-
la cum intermissione in solum hostile penetrandi studio ferimur, tamen cum
tempo-

temporis iniuria, quæ (vt his locis grauissima & iniquissima est) exercitus nostros plurimum afflixerit, & eqnos in primis partim vehementer enervauit, partim extinxit, tum quoque neruorum nostrorum tenuitas, quorum in longius tempus nobis ducenda ratio est, id nos facere non sinant, curandum nobis existimauimus, vt relictis quibus opus est in locis, iustis præsidij nostris, copiisque dispositis, quæ & irruptiones hostiles prohibeant, & milite iumentisque relictis hostis ditiones per occasiones subinde inuadant, comitia omnium communis Reipub. Ordinum habeamus: in quibus quomodo, quibusque neruis ac viribus in posterum res bellica, & ad summam rerum finemque operabilem producenda sit, deliberatio ineatur, & quod in rem erit communem concludatur. Neque enim si ea cuique quam esse decet in patriæ charitas est deferenda proiciendique hæc scelicia cœpta sunt, quæ vt Ordinum omnium consensus antecessit, ita eam scelicitas comitata est, & euentus itidem fortunati in posterum etiam consequuturi videntur. Nō enim dubitater speramus facturum Optimum Maximumque Deum, vt his locis, quæ hostis firmissima potentia suæ propugnacula habuit, iam expugnatis, adituque ad alia omnia patefacto, in magna hostili trepidatione & metu (qui quidem Magnum Moscorum Ducem etsi numerosos ex omni genere hominum exercitus habeat, nusquam se nobis offerre, aut obsessis suis subsidio esse sinit) breui scelici erum eo hoste debellari, & res ad exitum operatum adduci possit. Deliberandum igitur erit, dandaque opera, vt rerum deinceps gerendarum ratio, vires atque nerui constent, aut abiicienda omnis Reipub. cura tuerit: quod quidem nostri negligentia nunquam accidet. Hoc verò ocius indicenda nobis comitia esse iudicauimus, ne quid temporis ijs habendis nobis eripiat: quod agendo potius, quam consulendo consumendum sit: cui potissimum sciamus, Magnum Moscorum Ducem post D. Nicolai Festum in primis suscipere aliquid, & bella sua administrare solere. Vt igitur mature nobis Consiliorum nostrorum ratio constet, & quid nobis in longius tempus expectandum, agendumque sit, intelligamus, & maiorum consultationum cura vacui tempestiue iterum in res gerendas incumbere possimus, maturanda nobis generalia Comititia necessario esse indicauimus, & ea quidem ad diē XXII mensis Nouembris indicimus, vt Varsouia habeantur. Er si verò Senatores & nobilitas Magni Ducatus Lithuania à nobis diligentissime peterent, vt in ipsa potius Lithuania hoc in belli actu, locisque in quibus bellum geritur, quam longe ab exercitu nostro comitia indiceremus, tamen nobis à constitutione, quæ de loco Generalis conuentus sancitum est, discendū nō iudicauimus. Videmus verò Magni nostri Ducatus Lithuania ordines in istis comitijs Varsouia flagituros, vt si durante hoc Moscorum Magno Duce bello, alia Comititia indici necesse sit, ea in Lithuania haberi possint. Cum verò ratio controuersiam, quæ de tribus propè Comititijs suscipi & iac-

etari, magnamque grauioribus consultationibus perturbationem ac tarditatem afferre solet, sublatam esse desideremus, considerandum erit, quibus ea modis cum equitate partium utrarumque concordia componi possit. Quam quidem in re nullius iura minui aut violari, sed omnia ad publicam consensionem referri cupimus. Est præterea opera nobis danda, maximè dum bellum his locis cum Magno Moscorum Duce gerimus, ut ex aliis Reipub. partibus diligentem finium & concordiae cum finitimis curam habeamus, pro qua quidem cura in Generalibus istis Comitibus referendum nobis erit, quo modo eorum, qui in finibus versantur, insolentia & pernitiola quauis audendi agendique licentia (de qua quotidianè ad nos quærelæ afferuntur) coerceri, & sanctione aliqua cum præsentiore animaduersione coniuncta refrenari possit. Ad hæc cum nobis pro maritali cum Serenissima Principe coniuge nostrâ charissima coniunctione eius rationes curæ esse oportere intelligamus, vehementer cupimus de reformatione dotis, cæterisque rebus ad eam pertinentibus, certi aliquid in istis Comitibus constitui, quod quidem ut fiat, pro maiorum nostrorum Serenissimorum Antecessorum nostrorum in Reipub. communem tot temporum metitis, Ordines operam daturos iudicauimus, ut perspicui possit erga tot optimorum Regum progeniem, gratorum animorum studia extitisse. Meminisse etiam sinceritatem vestram iudicamus, quæ terrarum nostrarum Prussię iam diu de iurium suorum violatione quærelæ existant, de quibus considerandum esse diligentius iudicamus, quod istius modi quærelas Reipub. minime prodesse, aliquando etiam maiori incommodo esse posse perspiciamus. Videndum igitur erit, ut in Comitibus finis aliquis istis quærelis afferri possit. Neque enim terræ illæ contributionem illi parem, quæ proximis Comitibus scita fuit, persoluant, & de iudicijs peculiaribus contra Constitutiones Regni suscipiunt. Deinde quia iam ante superioribus Comitibus de termino definiendo, ultra quem versus barbarorum ditiores hæreditario iure contenti possessiones possint, constitutum est. Id etiam ut istis in Comitibus plane determinetur, atque ad exitum deducatur, publicè referre existimauimus.

Si quid etiam fuerit, quod ad nos pertinere videbitur, de eo cum Ordinibus benigniter agemus. Videndum verò in primis est, ut qui in bello hoc tempore contra hostem versantur, aut in posterum versaturi sunt, cum fortunas, valetudinem, sanguinem, vitamque suam in discrimen pro Reipub. vident, interea eorum in iudicijs ratio habeatur, quod nisi fiat, intantum abest, ut supplementa nostrarum copiarum, exercitusque noui à nobis scribi, & confici possint, ut nec hic ipse miles, qui etiamnum sub signis est, permansurus esse videatur. Hoc itaque constituto, hortamur sinceritatem vestram, ut cognita hac nostra de Comitibus Generalibus conclusione, Nobilitatum Conuentus minores ad diem XX. Octobris Szrodę-

EPISTOLA AD ORDINES

sem, Generalem verò Kolensem ad diem tertiam Nouembris obeat. Quo nos Legatum nostrum missuri sumus, qui nostrarum consultationum summam Nobilitati exponat. Operam verò dei sinceritas vestra, ut Reipub. necessitates nobilitati diligenter explicet, & eam ad studium erga communē patriæ dignitatem vtilitatemque excitet: tum curet, ut ad conuentum Generalem prudentes & moderati animi consilijq; viri, plena cum facultate ad concludendum cum aliarum terrarū Nuncijs, alijsque Ordinibus mitantur. Ipsa verò deinceps sinceritas vestra maturè ad constitutum Generalibus Comitij diem Vvarsoviæ nobis adsit. Neque enim illum diem eximi rebus alijs sinemus, sed statim postridie eius diei, in quam Comitia indicimus, quibus de rebus consultari oportere videatur, Ordinibus more maiorum proponemus, ne per necessaria Reipub. negotiare tardentur. His

de rebus sinceritatem vestram certiore facere volumus, quas sibi pro officio suo diligenti curæ esse sinat. Sinceritatem vestram

recte valere cupimus. Datum Vladislauiz die X X VI.

mensis Septembris. Anno Domini MDLXIX.

Regni vero nostri anno I I I I.

Stephanus Rex.



C RERYM

RERVM POST CAPTAM POLOGIAM

CONTRA MOSCVM GE-

starum narratio.



CAPTA Polocia, & iam ante in vicino arcibus tribus, Cossiana, Crasna, & Sitna deletis, tres omnino arces, Turoulia, Socolum & Sussa in Polocensi ditione hostiles supererant, quas hosti relinquere, neque ex belli fascepi consilio, neque dignitate sua, neque rei abs se gestę fortuna Rex esse iudicauit. Turoulia quattuor supra Polociam arcem miliaribus, ad Dhinam flumen, quo loco illud Turoulia amnis illabitur, sita est, sic vt duorum amnium confluxu maxima parte comprehendatur, quaque in continentem patet, inter vtriusque preterlabentis fluuij ripas, lacum transuersum, tanquam obicem, obiectum habeat. Quod inter Polocensem arcem, atque inter Vlam, Vitepscium, aliasque arces & ciuitates, altius in Dhinę ripis sitas, quę semper in potestate Regum Polonię retentę sunt, media Turoulia interesset, facile a Regijs castris ad Polociam positis, com meatum exclusit, qui commodę ex locis superioribus poterat importari: quę res nō mediocriter in exercitu annonę caritatem atque aded inopiam auxerat. Quade causa, circumfessa primum Polocia, Franciscus Zucus a Nicolao Radiuilo Palatino Vilnensi, tentandę certis cum copijs per celeritatem rei causa ad arcem Turouliam missus est: verum quod & presidio firmo, & defensionis diligenter intentus locus teneretur, & pauca minoraque belli tormenta Zucus secum traxerat, effici ex sententia nihil potuit. Socolum ab arce Polocensi quinque miliaribus ea via distantem, quę Septentrionem versus rectissima Plescouiam ducit, duorum itidem concurrentium fluminum, Dryssę, & Nisicę, complexus continet: ea in arce preter vetus presidium, quod tuendi Polociam aditus causa firmum semper inerat, Theodorus Basilij F. Seremetus, & Borissus Basilij F. Seinus, Andreas Palecius, Michael Georgij F. Lycus, Basilius Criuoborsius Palatini, clari cum propinquitate Moscouicę Ducis alij, tum rebus antea gestis omnes copiarum prefecti, cum Magno Moscouicę nobilitatis ac sclopetariorum numero confederant, posteaquam se ab aditu Polocensis arcis, primum a Palatino Vilnensi obsessis iuneribus, mox ipsa obsidione Regia exclusos esse.

esse intelligerent: accesserat huc etiam Georgius Bullahacus cum duobus milibus sclopetariorum, partim Dunensium, partim Voliensium, qui ad Dhunæ & Volbiæ fontium paludes ob perpetuas cum Tartaris dimicationes, cæteris belli usu ac iaculandi peritia facile præstant. Quod hi omnes magno discrimine nostrorum ex propinquo castris imminerent, dum oppugnatur Polocia, Lithuanicæ quædam copiæ primum Ioanne Voliminscio, deinde Christophoro Radiuilo, qui in Lithuania Regi à poculis est, dimicandi studio Socolam excurrunt: sed quod hostis arce & munitionibus propè arcem extructis, aut propinquo tormentis suis spacio in tuto se teneret, velitationibus tantum, nonnullis vtrinque desideratis, res gesta est. Vtramque arcem Rex occupata Polocia iustis copijs oppugnandam ratus, Nicolaum Mielecium Podoliæ Palatinum, cum equitatu Polonico stipendia merente, cumque peditatu Polonorum, ac Germanorum cohortibus Socolam mouere, Vngarorum copias Turouliam accedere iubet ipse, quod nec ex re nec dignitate sua facturus videretur, si ad arcium istarum oppugnationes descenderet, motis trans Polociam castris, iisdem secundum flumen Dhunam metatis (quod pristinum castrorum locum, obsidioni quidem opportunum cum ad cingendum maxima ex parte arcem, tum ad prompta munitionibus omnibus, ex quibus miles oppugnabat, auxilia afferendum, assidui imbres iam ante iniquissimum, & valde quàm cenosum effecerant) ad Polociam permanet, curatque quod ad arcem Polocensem, qua munitiones aut flamma conflagrarent, aut tormentis verberatæ vitium fecerant, instaurandum pertinere: simul etiam arci Palatinum præficit Nicolaum Dorohostalscium, in quem iam ante, Regno primum inito, non inani omine ius nomenque eius Magistratus contulerat: hunc ipse in possessionem mittit, præsidium iustum imponit, & quibus circum locis miles finibus tuendis rectè collocetur, constituit: templi etiam, quod monumentum diuinæ ad victoriam opis esset, ædificationem decernit. Interea dum quæ opus erant ad Socolæ & Turouliæ oppugnationem expediuntur, & miles vasa colligit, visum est Palatino Vilnensi, de Turoulia leuioribus copijs experiri, & quid hostibus in recenti consternatione fiduciæ esset tentare: mittitur cum aliquo numero equitum expeditorum armaturæ leuioris, quos Cosaços nominant, Constantinus Lucomscius Vlenfis præfectus, quem Torouhenses præfidiarij cōspicati, cum pauor maiore quàm pro numero militū speciē copiarum obiecisset, exercitū vniuersum adesse rati, per auersam portā se properè omnes eijciunt, ac fuga euadūt, Palatinis suis quartam Septembris diem cū arcē & belli apparatu ac cōteatu omni Regiam in potestatem perueniunt. Arci ita occupatæ miles ille, qui ceperat,

præsidio relinquitur: is dum inter ligneas munitiones ac domos tæda ædificatas indiligenter ignē habet, tormentisq̃ue maioribus gratulationis & læticiæ causa iaculatur, temere incendio causam præbuit: quod sublatū paucis post diebus, quā captā esset, arcem deleuit, vt non minore celeritate, quā occupauerat, Turouliam miles amiserit: quod quidem hoc iniquiore animo à Rege acceptum est, quo præsidio hostili Sussam etiam tum obtinenti, Turoulia nostræ potestatis facta, omnem subsidij aditum & commensus accipiendi spem, certius eripere potuisset. Interea rerum Palatinus Podoliæ Socolam (à qua Dunenses cohortes fama aduentantis exercitus permoti contra imperium Præfectorum, vt est genus illud milium leue & insolens disciplinæ, iam ante in Moscouiam redierant) cum copijs progreditur, & Dryssam flumen imbribus proximis admodum redundans, ponte subitario opere effecto, trāsmittit, hoste quod facere in procliui erat nihil repugnante, qui in aduersa ripa ociose tantum inequitans, inani metus faciendi studio, clarē vt exaudiri à nostris facile possent, subinde inter se sciscitabantur, adessent apud se Astracanonū, adessent Casanorum copiæ, quas alter adesse magna iidem voce respondebat. Flumine superato Palatinus nulla cū mora propius hostem mouet. Quā accesserat inter utrūque flumen, non ita magno ab arce interuallo sylua est, in qua maximam equitatus partē tendere iubet, peditatui imperat, vt munitiones, in quibus versarentur, & tormenta dirigerent, fossa atque aggere subitō efficiant: quas Poloni secundū Nissam, Germani iuxta Drissam ita ad arcem perducunt, vt cū iusto iam ab ea spacio abessent, transuersæ ab Nissia Dryssam, itidemq̃ue ab Dryssa Nissiam versus promouerentur, atque opera vtriusq̃ nationis committerentur: vltra Nissiam amnem minorem, qua proptum hosti effugium patebat, Ioannes Zbarasius Palatinus Braslauiensis consistere & cuiare iubetur. Munitionibus perfectis, ac tormētis, vt visum erat, collocatis, cū iam tum in vespertinum dies vergeret, qui tormenta administrant, periclitari rem globis candentibus instituunt, tribus tantum in hostiles ditiones perlatis, cū alij alijs locis periculum incendij afferrēt, & ijs restinguendis hostis detineretur, tertius eo loco, quo nascens primū fumus, mox flamma ab hoste non facilē potuit deprehendi, viros cepit: ab hoc incendium ortum, cum magnam hostilium munitionum partem subitō complexum esset, hosti summam defensionis desperationem attulit. Quo circa vt perditis trepidisq̃ue rebus, & flāma se iā longius latiusq̃ue fundente, pars magna hostium globo temerē facto, porta, quæ meridiem versus ad Nissiam vnā patebat, confertim erumpunt, quibus ex proximis munitionibus Poloni impigrē occurrunt, & obsistunt: perducitur eodem properē signo sublato Germanorum scelopetariorum cohors, sic hostis in arcē flammamq̃ reijcitur, quem dum nostri magna vi premunt, se atque

signa

signa portę arcisq; inferunt: dabat mox hostis intra arcem desperatis rebus magnas cū armistū verbis dedendi significatiōes, quas cū miles Germanicus Russicę lingę nesciens, præterea Polocęsis præsidij crudelitate, quā immanissima in captiuo omnes ac potissimum Germano fuerant, irritati, minimē acciperet, cædemq; acerrimē misceret, ille, desperata salute totis viribus contrā dimicat, quęque supra portam custodię erant, cataraçtam è turri portę imminentem in irrūpentes deiciunt, sic nostros receptu alios, alios aditu subsidioque excludūt: atrox inde vtrinque pugna fuit, æquata vtrorumq; desperatione ob incendiij vim, quod vndique se circumfuderat, ac pluribus locis dimicantes inter se pari interitu victi ac vincentis exstinguebat. Ad dexteram arcis partem per munitiones ostium fuit, ad quod qui nostrorum errando perlati sunt, integri euasere. Interea foris milites, quanta vi maxima possunt, cataraçtam moliantur, atque opere magno perfringunt, patefacta via, qui nostrorum supererant, faucij propē omnes atque ambusti, pariter cum hoste erumpūt, inferunt se integri alij prædę ex ipsa flamma rapiendę causa. Pars magna hostium aut in munitiones, aut stationes Germanorum incidit, qui omnes per iram militarem, & lingę ignorantia interfecti sunt: in his Borissus Seinus, Andreas Palecius, Michaël Lycus, Basilus Criuoborscius Palatini cecidere. Quibus in Polonorum potestaté peruenire cōtigat, pleriq; omnes, cū qui aliquo aut munere aut numero fuissent, pro se quisq; nomē ederet suū, facili apud lingę intelligentes seruati sunt, ac captiui habentur: quorum in numero Seremetus est, vt rerum gestarum fama, ita & corporis specie vultuque & animi sermoneque cultu cæteris præstantior, & Mesoia dus Dunensium aliquot cohortium Præfectus, qui post militum etiam suorum discessum, cum cæteris præfidiarijs in arce permanerat: arx ipsa, cum iam incendio occurri non posset, conflagrauit. Hostiū ad quatuor millia cæsa, quos ex lectissimo, & quidem prætoriano milite Magni Ducis fuisse, etsi ex captiuis cognitum est, tamen etiam ex ipsa corporum stratorum forma & proceritate, animisque perditis in rebus adhibitis, tum prædę ratione potuit intelligi: in qua quidem præda maior & pecunię, & vestis preciose, & aliorum ornamentorum numerus fuit, quam vt gregarij militis fuisse videri posset: captiuorum eā multitudo est, vt & penes præfectos copiarum permulti sint, & Polonorum militum propē sint nulli, qui in potestate non singulos alij, alij plures habeāt. Sussę oppugnationem suscipere, quā difficilem & spatiosi lacus, & palustria circum loca, & Autumnii ipsius tempestas redditura erant, temereque militem iam ante maximis incommodis affectum nouis periculis obijcere, Regi visum non est, cū potissimum arcem eam penitus Lithuaniam versus sitam, & ab omni suorum subsidio, & comearus consequendi, potestate exclusam (vt vis nulla adhiberetur) sponte dedituram sese non dubitanter

tanter existimaret. Itaque præsidia tantū militū stipendiariorū circumquaque in statuis disponit, quæ Moscos ab aditu ad Sussanos arcerent. Neque fellit ea Regē existimatio. Nā & ipse Moscouiæ Dux, diffidens Sussam amissa Podolia retineri posse, sexta primū, tum iterū decima septima Septembris die mandata ad Petrum Theodori F. Colicēum, Palatinum Sussensem, ac præsidarios omnes dederat, ut templi imaginibus & libris, omnique apparatu sacro in terra defossis, aut quacunque alia cura adhibita, ne in hostium potestatem peruenirent, arcem incenderent, bellica tormenta ac puluerem tormentorum omnem igne delerent: tum operam, qua euadere possent, diligenter darent, ac salutē suā consulerent. Hæc mādāta cū (quo certius perferrentur) per plures nuncios Sussam misisset, nonnulli eorū in arcem perueniunt, unus à Begio milite interceptus, ad Palatinum Podoliæ cum litteris perducitur. Sub idipsum tempus Palatinus Polocensis dat Sussa literas, quibus significat, se Polociæ cum parte exercitus, à Rege ijs cum mandatis relictum, ut quicquid ea in prouincia hostile superesset, modis omnibus tollere contenderet: Regem summa placabilitate & clementia Principem, quam suæ voluntatis significationem dedisset, cūm primum Magno Moscouiæ Duci bellum indiceret, ea in voluntate etiamnum permanere: eorum, qui Magno Duci parent, hominū Christianorum cædem & sanguinis profusionem haudquam experere, quinimō illi parcitum ac consultum velle, acceptas iniurias in autore ipso Magno ipsorum Duce vindicandas statuere, nisi verò essent, qui istas iniurias suo discrimine propugnare vellent: quod ut illi ne suscipiant, illorum maximè referre: hortari se, arce sponte sua potius abscederent, impetrabili venia & salute, quā vim atque oppugnationem experirentur. Palatinus Podoliæ Mosci litteris ad Sussanos lectis, mittit subito ad Palatinum Sussensem ac præsidarios, qui dedi arcem postularent: illi salutem, & rerum, quæ cuiusque essent auferendarum potestatem, atque in Moscouiam tutò se referendi concessionem pacti, arcem cum omni bellico apparatu commeatuque Palatino Polocensi, militibusque à Palatino Podoliæ missis, sexta die Octobris dedunt. Iam ante Philo kmita Capitaneus Orsanensis, cui aliquot turmæ equitum, & peditum stipendiariorum cohortes erant in eam rem assignatæ, coacta non mediocri finitimis in locis ex nobilitate alijsque incolis militum manu, in Mosci ditiones excurrit, magnamque omnia populando vastitatem affert, ad duo millia pagorum incendit, & Smolensciæ suburbij ambustis, magnum ex eo agro hominum, magnum pecudum numerum agit, suosque nullo detrimento accepto intra fines reducit. Idem non multo post Constantinus Ostrogie Dux, cum Michaele Viskioucecio Castellano Braslauiensi, & filio Ianusio Boristhenem transgressus facit, expeditissimasque Tartarorum aliorum

rumque turmas præmittit, has longè lateque populari, & terrorem vastitatemque in hostico circumferre iubet, ipse cum reliquis copijs Czerni-
honiæ progreditur, castrisque ad arcem metatis, oppugnationem sus-
cipit, ipsaque ciuitate incendio deleta, vim omnem arcis expugnandæ
adhibet: sed quod ea præsidio firmo, cui nihil ad omnem propugnandi
apparatum deesset, teneretur, acerrimeque locum Mosci defenderent,
in castris paucæ peditum cohortes essent, afflictæ maximis tempesta-
tum iniurijs, missa obsidione, vicina circum loca omnia diripit, totaque
Siuierensi ditione vastata, ac populationibus ad Starodubam, Radoho-
stiam ac Podczepouiam usque per leuiiores equitum turmas factis, præda
ingenti acta discessit. Simili successu Mecislauiensis præfectus Iaroslauam
oppidum pagosque quàm plurimos euertit. Rex posteaquam dierum quin-
quaginta spacio, sex arcibus captis, ad quas Susla non ita multo post Se-
ptima accessit, prouinciam omnem Polocensem mira agrorum fertilitate,
magna fluminum opportunitate præditam, octauo decimo post anno,
quàm esset ab hoste occupata, bello Reipublice recuperasset, Polociam
præsidij, fines copijs firmasset, decima septima Septembris die illo
de loco discedit. Vehementi quidem studio ferebatur, ut ceptum felicitatis
cursum vigeret, & cum magna hostes locis omnibus consternatio ingen-
dum; pavor teneret, longius arma sua in hostiles ditiones proferret: sed cum &
preteriti temporis iniuriæ, (quibus miles admodum afflictus, equorum in-
gens numerus enectus fuerat) & grauiores Autumni tempestates, in dies
ingrauescentes, isti voluntati & studio planè repugnarent, omni cura in
comitia omnium Reipub. ordinum habenda incumbit: cumque iam ante
ex castris de ea deliberatione literas ad Regni Senatores dedisset, rediens
in Lithuaniam, ea ad diem vigesimam secundam Nouembris Varſauia ha-
bitum iri edicit, in quibus consilia de bello diutius administrando suscipi-
antur. Dum Vilna Rex ad comitia proficiscitur, è Moscouia per nuncium
Moscicum literæ afferuntur, à duobus Legatis Nouogrodiæ Duce Ioanne
Theodori F. Mecislauensi, & Mikla Georgij F. Romanouicio Sacharino,
ad Nicolaum Radiulium Palatinum Vilnensem & Eustachium Volou-
cium Castellatum Trocensem, Plescouiæ die trigesima octaua Septembris
scriptæ; hoc omnino argumento. Cum offensæ duorum summorum Prin-
cipum eò progressæ sint, ut arma vterque sumpserit: quibus Poloniæ Rex
Polociam expugnarit, Magnus Moscouiæ Dux vindicare vicissim id fa-
ctum in animo habuerit: se cum reliqua nobilitate Moscouitica ad Prin-
cipis sui pedes se abiectisse, obsecrasseque, ut sanguini Christiano con-
sultum atque paritum veller. Istis precibus Principem suum reliquis-
se locum, & belli expeditionem repressisse, nunc mutuo studio ipsis ac
que alijs Regis Poloniæ Consiliarijs, apud Regem suum elaborandū esse,
vt ad

RERVM CAPTA POLOCIA

ut ad similū voluntatem & sistendi cursus sui bellici, & pacis cum Magno Moscouiæ Duce locis omnibus, tam Regni Poloniæ, quam Magni Ducatus Lithuanie, atque etiam Liunionis causa suscipiendæ adducant, in primis verò ab eo impetrent, ut in Regiam suam se referat, ac copijs suis omnibus tam in Lithuanie quàm Liunionis finibus imperet, se ab omni in Moscos maleficio atque iniurijs abstineant. Hæc eadem Magnum suum Ducem diligenter facturum, rediturum ad sedes suas, suosque à vi atque iniuria cohibiturum. Interea temporis dandam vtrinque operam, ut Principes misis inter se Oratoribus rem vtilem & pernecessariam pacē ac concordiam suscipiāt. In extremo literarum excusant, cur Basilius Lopatinscius, quem Rex ad Magnum Moscouiæ Ducem ante expeditionem suam cum literis miserat, quibus se bellum illi facturum iustum legitimumque denunciabat, adhuc in Moscouia detineatur, promittuntque, simul ut principum se vterque ad sedes suas retulerit, se operam duros, ut cum mandatis sui Principis de pace concilianda ad Regem ocys remittatur. Sub idem tēpus Philo Kmitha, Orsacensis præfectus ad Regem literas mittit, quas à Palatino Smolenscia, no acceperat, ijs Philonem Palatinus certiore facit, se à Magno suo Duce mandata accepisse, ne quam Regijs finibus atque ditionibus vim aut injuriam adferat. Monere igitur, ut mutua etiā Philo præstet, neque permittat, ut sui fines transgressi, hostile aliquid in Magni Ducis Moscouiæ ditio-
nibus cōmittant. Alatis lectisque vtrisque
literis Rex omnē eius deliberationē
ad Comitum referendam esse
iudicauit.

BIBLIOTECA NAZ.
ROMA
VITTORIO EMANUELE




COM

COMMENTARIVS
RERVM A STEPHANO
REGE POLONIAE IN SECVNDA

EXPEDITIONE ADVERSVS MAGNVN
Moscorum Ducem gestarum .

Anno. 1. 5. 3. 6.



COMMENTARIUS
RERVM A STEPHANO

REGIS POLONIE IN SECUNDA

EXPEDITIONE AD PRVSIA MAGNAM

MOTIVIS DIGNISSIMIS

ANNO. 1. 8. 6. 17.





Ex procurato commeatu, tormentisque atque omni grauiore instrumento bellico nauibus premisso, etsi nondum ex remotioribus Regni partibus copię conuenissent: tamen fama suę profectionis celerius subsequitur: ratus, xvj. Cal. Iulias Vilna proficiscitur, ac quinque millibus passuum inde confedit. Hinc ita instituta ratione itineris, vt lentius euntem vndique consequi cum equitatus, tum peditatus possit, vj. Cal. Augusti Vitepscum peruenit. Abest id oppidum Vilna, quadringentis millibus passuum, duabus arcibus & natura loci, aluente Duna, nauigabili fluuio munitissimum. Hinc Rex inito copiarum numero, refert ad consilium, quas in oras exercitus ducendus sit, & quibus in partibus hostilis terrę bellum ordiendum. Duę perample ac celebres vrbes proponebantur Smolenscum & Velikilucum, quarum hæc ad Louatum fluuium, illa ad Boristhenem sita est. Sed cum iter ad Smolenscum esset per loca deserta, regionemque à nostris etiam per crebras excursiones igni ferroque vastatam, & longe à finibus ad latus dissitam, verebatur ne si eo vires conuerteret exercitus, comeatus & rei frumentarię inopia laboraret, & hosti ad inuadendos Lithuanię fines aditus patefieret. Neque verò si Smolenscum peteret, ab Liuania auerti di hostem vlla reliqua ratio futura videbatur, quæ tamē magna suscepti belli causa erat: neque sperari poterat Moschum propter urbem longē à suo Regno ad Boristhenē posita, vires suas in extremum discrimen adducturum. Quæ autem essent diligētius animaduersa, placuit de consilij sententia Velikilucum ducere. Quod etsi iter erat per regiones syluestres: tamen cum & à populationibus intacta omnia essent, fluminibusque Duna & Vsuia tormēta & comeatus opportunē conueniri possent, minor videbatur in ducendo exercitu difficultas futura. Adhæc Velikilucum ita Liuania imminet, vt si eam urbem Rex suę ditionis faceret, & comeatu ē Liuania iter, & magnā denique regionē hosti adimere videretur. Denique illud Regi animo obuersabatur, etiā accidere posset, vt si, spe pacis amissa, eam urbem peti Moschus videret, quæ & suę ditionis semper fuisset, & quoquod versus intruētū firmissimum præsidium esset, ad opem suis ferendam veniret, sicque daretur aliqua occasio aperio Marte decernendi, cuius rei sanē Rex avidissimus erat. His accedebat quod omnis circa Velikilucum regio, agri fertilitate, rerum omnium ubertate omnibus alijs abundantior, hominibus iumentisque alendis facilius commeatum suppeditare posset. Ad Plescouiam. n. usque ager ubique cultus, regione campestri, & frequentibus vicis habitata, si in potestatem Regis redigeretur, magnas opportunitates atque usus, relictis in præsidio militibus, præbere posset. Ituro Velikilucum duæ arces cum firmo Moschorum præsidio munitæ occurrebant, Velisa in citeriore Ripa fluminis Dunæ, & Vsuia ad locum eiusdem nominis sita. Has arces,

ne quid à tergo infesti relinqueretur, partitis copijs expugnare cōstituit. Igitur Ioanne Zamoscio Regni Cācellario cum septem millibus ad expugnandam Velisam premisso, ipse quartis castris ad oppidum Surasum peruenit. Hic duabus maximè de causis quadriduum substitit. Primum ut Dunā fluvium ad traſciendum exercitum pontibus iungeret: denique ut per eā moram satis spacij intercederet ad ea cognoscenda, quæ à Zamoscio gesta ad Velisam essent, quæ millia passuum 40. Suraso aberat. Sed is, ut primum per aspera itinera ductis copijs Velisam è dēfissimis siluis penetravit, loci sitū cōtēplatus, tribus ex partibus circūducta fossa, iactoq; aggere, munitiones in arcē summa celeritate dirigi iubet. Nā quā ad Dunā pertingebat, cingi nō poterat. Igitur ad motis tormētis, cū vndiq; verberati propugnacula, miraq; nostrorū audacia inferri. mœnibus faces animaduertent Velisenses, incolumitatē pacti deditionē fecerunt. Quæ re cognita Rex, dū fontes ex lincubus cōtabulatis edificātur, ad visendā Velisā cū familiarib⁹ excurrit.

Capta Velisa literę ei à Mosco missæ redduntur, quibus humiliter & demissè (quod pleriq; admirabantur) scriptis significabat, iam se legatū contra & suam & maiorum suorum consuetudinem ad eum dimississe: Cui quidem dederit ea mandata, quæ postulatæ paci, & quis conditionibus, consentanea essent: sed cum haud satis exploratum haberet, quid à se Rex postulare, vereri ne parum esset ijs quæ legatus ipsius nomine polliceretur, contentus futurus: Petere igitur, ut aut Rex quam ocysimè sua postulatæ per litteras significaret, aut Legato suo id facere permitteret: Deinde ut antequam legatum audiret, suis finibus contineret exercitum, nec pateretur in regiones suę ditionis excursions facere: Postremò ne esset cupidus fundēdi sanguinem Christianum, neue ab oblatæ cōcordiæ studijs abhorreret, memor saluberrimæ illius admonitionis vbi Diuinus vates, Nunc, inquit, Reges sapite, erudimini terrarum gubernatores. Nam extremam Psalmi secūdi partem literis inseruerat. Rex lectis his literis, nihilo remissius exsequi destinata pergit, perfectisq; tribus ad Dunam pontibus, vniuersum exercitum in vltiorem ripam traducit, ibiq; castra fecit. Postridiē iter facienti alię Moschi literæ offeruntur, multò quam superiores demissus scriptæ. Earum sententia erat, Legatum quocunq; Rex imperasset paratū ire, expectaret igitur magnis itineribus eūtem, nec tridui moram, dum missū à se Legatum opperiretur, cōsumptam magno detrimento suis rebus fore putaret, Regem nihil de celeritate consueta remittere cūpientem, retardabat difficultas viarum. Siluestria erant loca, vix singulis peruia, implicatis inter se arborum ramis veluti perpetuam obijcientibus sepem. Adhæc, ob crebras paludes obiectas, cœnosam quæ humis, quorū hominūq; vestigijs cedentem, ægre moliebantur transitum copię Lithuaniz, vociferantibus in exercitu Regio militibus, lente præcedentes tardeq; viam sternentes.

EPISTOLA AD ORDINES:

tes Lithuanos, consumpto omni pabulo, nihil præter nudum solum sequentibus relinquere. Igitur Rex delectos è prætoriano peditatu trecentos Hungaros ad sternendam celerius cum Lithuanis viam præmittit. Sic Lithuani duce Palatino Vilnense, XVIII. Cal. Sept. tandem ad arcem Vsuïatam perueniunt: Rex decem millibus passuum inde confedit. In tumulo sita est Vsuïata, ad locum per lacum, qui & arci, & fluuiio ex se mananti nomen dedit. Moschi obsidionem expectantes, paucis ante diebus oppidum arci subiectum incenderant, recepta in arcem omni oppidanorum turba imbelli. Palatinus antequam arcem oppugnare aggrediretur, caduceatore præmisso, ad deditionem eos hortatur, vna adiecta denunciatione, ni se continuo dedant, & Regis clementiæ permittant, hostilia omnia passuros. Illi cum ferociter initio respondissent, tandem ubi circumduci fossam, ad moueriq; vimineos corbes videre, nullam moram deditioni fecerunt, territi potissimum aduentu peditum nostrorum, qui per vnus noctis spacium, admirando labore intra lapidis iactum perducta fossa, continenti scopetorum ictu neminem in aduersa turri versari patiebantur. Deditis concessa à Rege incolumitate, permissum est, exceptis Præfectis, qui vellēt in Moscouiam redire Rex postridie ad veterem Vsuïatam positis castris, nauim cum paucis ingressus aduerso flumine in lacum ad inspicendam arcem nauigauit. Vsuïata præsidio firmata, paratisq; itineribus, XIII. Cal. Sept. decem millia passuum inde processit. Hucusq; licuit aqua cōuehere tormenta. Inde exposita in terram, iumentis subiectis vehi sunt capta. Sed nulla res æquē militem, atq; inopia pabuli, per quatrimum afflixit. Silua erat ad sexaginta millia passuum, tam sterilis, & aridi soli, vt deficiente omni alio pabuli genere, corticibus arborum, & ramusculis equos milites alerent. Nam si qua palus impigre cuncta vestigantibus militibus occurrerat, ingressi puberenus aquam, summa contentione iuncum & sirpum diripiebant. Ita per quatrimum fatigatum militem, tandem agri culti & feraces exceperunt, quoquo uersus tugurijs & rusticorum calis pecora & com meatum subministrantibus. Igitur, positis castris, biduum concessa militibus iumentisq; necessaria quies, sequenti die, qui fuit VIII. Cal. Sept. confectis triginta millibus passuum, ad pagum Kupuya peruētum est. Vbi Rex, cibo rapim sumpto ad contemplandum Veli Kiluci situm, quod decem millia passuum aberat, equitibus assumptis, quos præsidij causa habere secū eum se consueuerat, profectus est. Quo satis perfecto, cū intra globi iactū arcem accessisset, sub occasum Solis in castra reuertitur. Zamoscius etiam, qui Vitepska præmissus, diuerso itinere, suas copias duxerat, & aliquot exploratores hostium exceperat, hic se Regi coniunxit. Rex postero die instructis copijs, in Veli Kiluci subiectam planiciem descendens, vniuersum exercitum, quem nenio simul antea videret, in conspectum dedit, versus que meridiem

RERV M CAPTA POLOCIA

meridiem, hostium oculis castra subiecit. Ingens erat & peramena planities, frumētarijs cāpis tora cōstans, quæ adulta iā segete, incredibile omnis generis singulæ copiam exercitui præbuit. Sequenti die Legati Moschorū superuenere. Quos Rex, antequā arcem obsidione cingeret, aduocato cōsilio, in tabernaculum admisit, eisq; dicēdi potestātē fecit. At ij, præter omniū expectationē, cū existimaretur cū mādatis maxime ad pacē pertinētibus venisse, impudenter postulare ceperunt, vti Rex in Lithuaniā confestim rediret. Sibi enim non esse integrum exponere apud eum legationē, qui terram ipsorū infesto exercitu ingressus, hostilia omnia faceret. Rex, qui fraudis Moschicæ non ignarus, facile cognosceret, ad extrahendi tēporis consilia hanc quoque orationem pertinere, excedere tabernaculo Oratores iussit, cum hoc tantum adiecisset: Daturum se operam, iuvāte Deo, vt Legati propediem animaduertent haud in Moschi ditione se esse. Ita que expugnādæ arcis cura Zamoscio demandata, eo die rem aggredi præcipit. Arx Veli Kilucana loco paulo editiore sita, planitiem spaciosam, eā que lætam & vberē circumquaq; late despectat. Vrbs muro ē materia, & angusta lacuna circumdata, ab latere arcis oriētali surgens, in septentrio nemq; longissime porrecta, quadriduo ante Regis aduentū, exusta ab hostibus erat, recepta in arcem omni supellectile & magna parte hominū cuiusq; ætatis. Louarus liquidis amnis inter occidentem & meridiem decurrens, ad muros arcis sese flectit, tertiamq; eius partem præterlapsus, per medium exustæ Ciuitatis in septentrionem excurrit, ac trecenta millia passuum emensus ad Nouogradiam magnam in Ilmen lacum illabitur. Præter hunc fluuium fossa & stagnis vniuersa arx cingitur. Ergo, cum capta superiorī anno à nostris Polocia, documento hostibus fuisset, in ligneis muris nullam esse spem defensionis aduersus incendiū, hāc opere immenso munuerant. Veterem trabium structuram, ex quibus muri constabant, ab imo vsque ad summū gleba & cespite obduxerant, tanta crassitudine, vt in superiore parte aggeris capacissimas corbes terra repletas statuarent. Igitur Zamoscus, vt ab Rege imperatum erat, cum atratis cohortibus, quas ipse ad bellū mercede conduxerat, cumque cæteris copijs queis Velisam cæperat, ac denique cū omni Hungarico peditu, vado Louatū transiuit, adhibitisque peritis expugnandarū vrbiū, loca ducendis fossis & munitionibus erigendis scripsit. Hungaricus peditatus ab occidēte Sole, Polonicus cum atratis cohortibus à septentrione, in ruina ciuitatis cōstitere. Oris noctis initio ducere fossam, tantum operis ante lucem efficiūt, vt Sole orto coniunctas stagnis munitiones hostes conspicerent. Ea die & nocte insequenti perfectis omnibus, quæ ad oppugnationem pertinebant, Cal. Sept. octodecim muralibus tormentis quati mēia cæpta sunt. Quo die cum magna vis globorum & pulueris consumpta esset, tamen perfo-

di mu-

EPISTOLA AD ORDINES.

di muro coharens agger non potuit. Legati tormentorum sonitu tanquā ex alto sopore excitati, aditum sibi ad Regem de pace agenda impetrant. Admissi iterum, iam inde usque ab initio belli, legatorum, qui ultro & citro missi erant, acta repetere coeperunt, postulareque primum, ut Rex, soluta obsidione, ea parte Liunionē qua nunc potitur, esset contentus: deinde, ut pro captiuis, qui plures apud ipsum essent, alios item captiuos cum duabus arcibus acciperet. Rex, mittere eos ambages, & tam absurda iussit: frustra eis pacis mentionem facere, nisi vniuersa Liunia cedant. Illi cum nulla se ea de re mandata habere confirmassent, orant, ut misso celeriter tabellario, Principem suum consulere liceat. Id petentibus concessum. Inter hæc strenue arx ab Ungaris Polonisque oppugnatur. Rex, quid quoque momento ad munitiones agatur cognoscit, & quid fieri velit, identidem præfectis imperat.

Inde cum à propugnaculi aggere Hungaris opposito tantum terre procidisset, ut miles eousque eniti posse putaretur, unde prælongis hasti libus contingere superiorem muri contignationem posset, impigri iuvenes ex peditatu equitatuque cum notæ virtutis Centurionibus, ad inferendum incendiū deliguntur. Hi redas, seuo, pice, aliisque flammæ fomentis illitas super capita leuantes, aquam stagnantem pectora contingentem transeunt, ac per arduum aggerem, alius ante alium certatim adnituntur, facesque cuspidibus præfixas hastarum, pinnaculis admovent. Moschi in ascendentes ingentem vim saxorum ingerunt, trabes deuoluunt, aquam feruentem per tubos capitibus infundunt, omnique genere telorum nostros obruera conantur. Tanta quidem fuit Moschorum in propugnatione pertinacia & vitæ contemptus. ut cum ad certum ictum directæ è munitionibus nostris tormenta, ad restringendum incendium cumulatō miserabili strage prosternerent: tamen recentes alij confestim loca deiectorum occuparēt, gnari haud dubie, illic sese viuendi finem facturos. At nostri mutua adhortatione confirmari occupatū cliuū tuetur, incendiū excitāt, faces ingerūt. Tādē cū iam satis ardere turris videretur, gliscerī incendio se recipere coacti, inter tela hostiū repetita aqua munitionib. recipiūt, interfectis octo gregarijs militib. vulneratis paulo pluribus. Flagrante adhuc incendio turri, hostes murū interscindū, neque ultra serpere patiūtur. Rex cū animaduertēret, etsi oīs superior muri pars deflagraret, tormētis nō posse ita decuti aggerē, ut in rūpētib. nostris aditus patefieret, præsentī cōcilio rē expedit. Imperat ut ex corijs facta testudine protecti milites murū subeāt, ac ligonib. imā aggeris partē subruāt, inde ingressi ad internas trabes, & sudamētā, ubi res postulet, aut cumulatīs facibus, nudatū aggerē murū incēdāt, aut, si cōmode, & sine nostrorū periculo fieri possit, puluere supposito turres euerūt. Hæc qua rōne, & modo fieri velit, Præfectos edocet, cōcilioque cū

RERVM CAPTA POLOCIA

Zamoscio cōsilio, ex vtriq; munitionibus, vno tēpote rē aggredi p̄cipit. Tremio proposito allecti milites alacri aq̄o imperata faciūt, excauatoque aggere recepti, vltimū excidium hostibus allaturum opus impunē moluntur. Hinc Vngari pulueri subijciendo, cuniculis fundamenta petunt. Hinc Poloni trabes interiores ad incendendum rimantur. Cum quidam nostrorum, contrario cuniculo aq̄to hostes, operibus occursum conferent, eximit huius rei metum, per ruinam p̄cipiti fuga ad nos trāsgrediens Moschus, qui animaduertisse quidē significauit eam molitionem hostes, sed nihil de puluere subijciendo suspicatos, tubulos tantum, si trabes incendantur, ad infundendum aquam constituuisse. Zamoscius, etsi per caduceatorem saepe antea hostes ad deditiōem hortatus esset: tamen iussu Regis, arcem & hostes cōseruare cupientis, trasfugam quoq; ornatiū indutum, muro admoueri cum linguæ Moschicæ peritis iuber, hostibusq; denunciare, adesse vltimū tempus & adhorrādi eos, & cōseruandi oportūnū: vbi in amentia persistentes vim, quam benignitatem Regis expectiri malint, ab effectatis iracūdia militibus extrema quāq; esse passuros. Hostes siue fiducia loci subnixi, siue fato suo aq̄ti, atrocibus conuulsijs trās fuga excepto respondent, citius ipsum in crucem agi se visuros, quā proditoris cōsilio obtemperaturos. Quorum pertinacia animaduersa Zamoscius, cū Vngaricas tūm Polonicas munitiones adit, docetq; optimum factū esse, vno tempore, & incendio, & puluere rem tentare. Suppositus ab Vngaris puluis, ita omni aggere turrim aduersam nudauit, vt facile incēdio obnoxia esset. Quod conspiciat Vngari, tēdas iterum flāmā alendā paratas inferunt, tuttiq; acerrimē defendentibus Moscis, subijciunt. Quod incendium, cōtrepta superiore cōtignatione, vsq; ad alterū propugnaculū, adiuvāte Cauro vento, se fudit. Poloni quoq; pari industria, reuulso aggre, imas muri partes succēdunt. Ingruentibus tenebris magna pars noctis frēmto militum traducitur, hostibus irruptionē, & internecionem sequentis diei minantium. Quarta ferē vigilia, eū ortū a Polonis incendium, restinctū iam putaretur, spitante vehementius Borea, repente instauratū in immensum augetur. Ita hostes vndiq; grassatē flammā listi minime posse rati, tandem vltimo cōacti periculi metu orta luce, deditiōem sese facturos pollicentur. Nihil aliud responsum, nisi vt extemplo positae armis, & restincto incendio, Magistratus exeant, Regis arbitrio sese committuri. Quos primū venire non ausos, missi homines idonei iniolatos per ruinā arcis eduxerunt. Quibus conspectis vociferabātur milites: Idcirco dimitti hostes iterum, vt tertio sumptis in Regem armis, pluribus cōmilitionum exitio esse possint. Ludibrio ab hostibus lenitatem & clementiam Regis haberi. Irent igitur quibus tot laboribus fatigatis sua vulnera, & sociorum interitus acerbi essent, hostiumq; sanguine, peremptorum

com-

EPISTOLA AD ORDINES

om militonum manibus parentarent. Sic alius ante alium nullo Ducum imperio exaudito, per ruinam irrumpunt, ac magna facta cade Arcem diripiunt, habita tamen in illo impetu militari ratio ætatis & sexus. Conseruatis enim pueris, & sceminis, in puberes tantum senitum est. Quorū ēi non pauci misericordia nostrū conseruati. Maxima præde pars incendio absumpta est. Tota. n. arx incredibili celeritate deflagrauit, incensusq, puluis tormentarius multis & nostrorum, & hostium exitio fuit. Hunc exitum arx Veli Kilucana habuit, Nonis Septembribus, quinto die postquam oppugnari tormentis cæpta erat. Cognita hostium cede Rex indoluit, inde misit propere, qui milites à cede prohiberent, actum de hostibus nunciarunt. Fuere non pauci, ijque graues iudicio & auctoritate homines, qui approbato militum facto, immerito trucidatos hostes dicerent, quod nimia Regis cum in victos indulgentia, tum facilitas in hostibus conseruandis, eo audaciæ barbaros prouexerit, vt nullum sit tam ignobile castellum, quod non sit ausurum inuicti Regis exercitus oppugnationem expectare: quam barbarorum audaciam tantam foueat vna percepta opinio animis, vltima expertis paratum in Regis lenitate perfugium fore. Qui dimissi ad Polociam, Velisam, Vsiatam essent: exceptos Veli Kilucum, quod experti Regis benignitatem essent, contumacius restitisse Noxiam esse clementiam, quæ nouē subinde dimicationis causa esset: Deterrendos à nimia audacia cedis metu, vt aliquando stæuant, non esse victis misericordia victoris abutendum. Neque enim sperandum, vt immanis & fera gens aliorum humanitate ad virtutis æmulationem prouocetur. Neminem hoc biennium lixarum & calorum nostrorum ab illis caprum esse, quem non misere excruciatum necauerint, vt superiorum temporum crudelitatem obliuiscerentur, cum deditis data fide, & mox violata, coactis in vnum & interfectis hominibus, pecoribus, iumentis, in omne genus, etatem, sexum, pari seuitia grassaretur, quæ exempla in alios ederet, iisdem barbaram gentem coercentam.

His & similibus excusati milites. Inde Rex cæsis hostibus, & incensa arce, cū in consilio retulisset, instaurare arcem de integro placeret, vetusti nominis & loci sibi quidem rationem habendam constituit, sed adeo erant omnia diruta, vt instauratio difficilior noua ædificatione videretur. Vniuersa enim ædificia deleta funditus incendio erant. Stabat muri ambitus crebra turrium ruina interruptus, & veteribus mœnibus additus agger, conuulsus labefactatusque inclinabat, consumptis igne interioribus trabibus, quæ terream molem sustinebant. Igitur Rex æstimata natura celi Moschici, ne temporis asperitate laboraret exercitus, maturari opus adhibita celeritate iuber. Diuiso vniuersæ arcis ambitu, in partes quatuor, quas ipse sibi cum Vngaris instaurandas desumpsit: Polonis tertiam, quar

EPISTOLA AD ORDINES

tū Lithuanis attribuit, ut mutua inter diuersas nationes æmulatio industris,
 celerius inchoato opī absolutionē afferret. Iā aliquot dies in ope cōsumpti
 erāt, cū refugiētes in castra pabulatores nūciāt obsessas esse vias ab hostib⁹,
 q̄ dispersos in agris frumētatores quotidie intercipiūt. Aberat Veli Kiluco arx
 Toropecia, 60. millia passuū, arte, situ, & milite munitissima, vnde excursio
 n̄ pabulatoris fiebat. Quo cognito, Rex quingentoseqtes, cētūq; pedites, sclo
 petarios eqs vehi solitis, duce Georgio Barbelio ad depellēdos ex agris ho
 stes mittit. Georgius partī à trās fuga Tartaro, partī ab agrestibus interceptis
 certior factus est, multo sua opinione maiores esse hostiū copias, q̄ prater
 solitū Toropeciaē præsidiū 4. millia equitū iuxta arcē essent, 30. vero milli
 bus passuū vltra Toropeciaē, sex millia cōsiderēt. Ita Georgius quamquā pu
 gnandi cupiditate arderet, veritus tamen ne temere fecisse videretur, vbi
 cum tanta suorum paucitate, quatuor millia hostium aggredi auderet,
 omīssis in præsētia speciosis conciliis, statuit tutiora pręferenda. Igitur re
 misso propere Hieronymo Philippouio, quæ comperisset Regem docet,
 simulque, ut missis militibus auxilio, pugnandi potestatem cum hoste fa
 ciat, poscit. Rex Iohannem Zbarauum Palatinum Brazlauiensem, cum miss
 le quadringentis equitibus Vngaris & Polonis mittit. His additi centum
 viginti pedites. Vngari celeritatis causa equis vehi iussi. Palatino mādatū, ut
 occidente Sole castris egressus, totam noctem continuato itinere, daret
 operam, ut ante lucem copias cum Georgio iungeret. Erat is inter castra
 nostra, & Toropeciam pari fere intervallo. Itaque iunctis postero die co
 piis, instructoque agmine, quantum angustia locorum pariebatur, iter ac
 celerabant. Erant explorandi causa, per vias non longis inter se spatiis di
 sposti hostium antecursores, qui cum nostris qui pręmissi erant, velitati,
 pugna leuiter tentata, refugiunt, Toropecianisq; nunciant, aduentare
 quidē hostium exercitum, sed quantus esset sciri non posse, silua prospe
 ctum eripiente. Illi iustum exercitum adesse arbitrati, obsidionemque ve
 riti, omnem supellectilem in arcem ex oppido comportant, reliq; prę
 sidio, quod tue ndē arcis satis esse videretur, quatuor millia equitum ita fo
 ris constituunt, ut si nostris essent futuri pares, pręlij discrimen subire nō
 dubitarent: impares cederent fortunę, in fuga salutem positam. Iam in cō
 spectu hostium obequitabant triginta nostrorum equites, ad laceffen
 dum pręmissi, sclopetarii que peruenerant ad riuum impediri ripę, qui in
 ter ipsos, & hostes fluebat, cum aduentantium nostrorum medium ag
 men conspicati Mosci, nondum postremo conspecto, in fugam effundun
 tur. Sublato clamore insequuntur nostri, equorumque pernicitate fugien
 tes assequuti, cādunt, capiuntque. Erant loca palustribus aquis impedi
 ta persequentibus, multo quam fugientibus difficiliora, quod hostes no
 strī vadis & tranuersis semitis, euitato periculo locorum, in siluas se pro
 cipia

ripiebant, nostrorum equi, aut a quis ignoris hauriebantur, aut instabi-
 li humo, & alto cœno confictabantur. Nox persequendi finem fecit.
 Vno ex nostris gregario milite desiderato, cæsi ex hostibus quingenti, ca-
 pti centum, inter quos fure clari nobilitate auctoritateque homines, in-
 duti vestibus auro, & purpura intertextis. Sed ante omnes conuerterant
 multorum in se oculos Dementinus, Cerementinus, & Gregorius Na-
 chiochinus offanassouicius, qui proxima estate cum amplo comitatu nun-
 cius Vilnam ad regem erat missus, Hic nostros intuentes, Aspicite victo-
 res, inquit, ludibria fortunæ. Cui nuper honoris causa splendide ob-
 uiam processistis, eundem nunc reuinctis post tergum manibus captiuum
 ducitis. Sub id tempus quo Rex Velikilucum oppugnabat, Arx Neuella à
 Dorahutais Kio Palatino Polocensi frustra obsidebatur. Tanto enim is
 contemptui hostibus erat, ut sepe ex arce eruptio in munitiones fieret,
 nullo hostium, magno Lithuanorum detrimento. Itaque Rex Ioannem
 Bornemissam, cuius inexpugnatione Velikilucana, præclara opera usus
 erat, cum septingentis peditibus Vngaris, subsidio Neuellam Palatino mī-
 sit. Qui simul atque eo peruenit, damnata ratione obsidionis ad ipsam ar-
 cis fossam munitiones perduxit, & quatuor muralibus tormentis, quæ se-
 cum aduexerat, idoneo loco dispositis, verberare muros cœpit. Hostes eo-
 dem euentu, quo aduersus Lithuanos vsi fuerant, Vngaricas quoque mu-
 nitiones se perambulatos consili, patefacta porta in nostros impetum fa-
 ciunt. Quod conspicatus Bornemissa, conclamat ad arma, suosque ad præ-
 lium hortatur. Ipse, stricto gladio ante omnes, in hostes irruit, multos ob-
 truncat, reliquos, inter crebros tormentorum globos, in arcem compellit.
 Nec alias eruptiones Moscici tentarunt, vsi tantum maioribus tormentis,
 quæ adeo per se dirigebant, ut nuuc ora tormentorum nostrorum, nunc la-
 tera, nunc rotas, perumperent. Erat necessario mœnibus inferendus ignis,
 vnica Moscicarum arcium pernities, sed loci iniquitas sine manifesto pe-
 riculo id fieri non patiebatur. Præceps eque ascendentibus, & descenden-
 tibus fossa, aggredi ut constituerant rem milites, prohibebat. Quarè Borne-
 missa animaduersa aduersus turrim angularem, quam incendere constitue-
 rat, è munitionibus cuniculum agere instituit, per quem in fossam arcis
 aqua destitutam transitus militibus fieret. Quo si reciperentur, nec ab ho-
 stibus conspici possent, quod angusta & præalta fossa eos conderet, & ob
 propinquitatem, tutius celeriusque subire mœnia cum facibus pos-
 sent. Hoc opere perfecto, impune muro succedunt, turrimque in-
 cendant. Inopinata re perterriti hostes, deditionem polliceri cœperunt,
 ubi cum armis, rebusque omnibus abire eis liceret. Bornemissa respondit,
 satis multa se hostibus largiri, si vitam concedat. Eam si conseruare volue-
 rint, positis extemplo armis, relictisque rebus omnibus arce exeant. Nul-

RERV M CAPTA POLOCIA

Iam interponere moram ausi arcem dedunt, incolumesque omnes, exceptis Præfectis, qui se dedere noluerunt, dimittuntur. Duæ adhuc supererant arces vicinæ Zauolocia & Oferiscia, quas Rex, etiam si minime idoneo anni tempore, sibi expugnandas statuit, ne quid hostium in occupata regione relinqueretur.

Igitur Zamoscio ad expugnandam Zauolociam missio, castra mouet ad Neuclam, ut & hostibus aduentus sui propinquitate, maiorem metum incutere, & si forte diuturna obsidio Zauolociæ foret, quæ aquis, situ, & præsidio munita ferebatur, opportune auxilia subministrare oppugnantibus posset: deinde ut ad conuentus agendos in Poloniam rediturus, quæ bello parta tuerentur, illic præsidia disponderet. Palatinus Vlnësis Ofericiam missus, percontatus ab hostibus est, utrum Veli Kilucanos, an reliquarum arcium præsidarios imitari velint: hi enim, quod Regis se clementiæ permisissent, incolumes dimissi erant: illi contumaciæ poenam morte luerant. Hostes saluti consulunt. Præfectus arce tradita, petijt à Rege ut suas ad Oratores literas perferri pateretur, quibus literis deditionis ignominia deprecatus scribebat: maluisse se tot fortes viros ad meliora Principis sui tempora reseruare, quam eorum internecione, iram inulsi & fortunati Regis experiri. Inter hæc nuncius ex interiore Moscouia reuersus, tam longas à principe Moschorum literas attulit, ut earum charta facile hastæ lōgitudine equaret. In ijs literis de origine ^{luz} ^{veultate}, maiorum quæ ppetuo sup istas nationes iperio, multa fabulose iactabat. Inde aliquando post lōgas abages ad cōditiones pacis deuolutus, CHochenhausū cū seprē in Liuonia arcibus, redditurū se pollicebatur, si Rex Velikilucū, Veliisam, & Neuclam restitueret. Contentum etiam se esse, ut Liuoniæ titulū ambo pariter vsurparent. In extremis literis vberiora se oratoribus mandata per nuncium suum dedisse significabat. Quibus cum absente Rege (ita enim ij postularant) senatus datus esset, post longam disceptationē confici nihil potuit. Zamoscus interea acriter Zauolociam oppugnabat. Quæ cum esset latis vndi quæ altisque Paludibus circumdata, pontem nobilem natatilemque facere ex trabibus coniunctis instituit, qui per aquas contis agi, atque ad munitiones dirigi ad transitum possent. Erant præcuti stipites, ex aquis eminentes spatio pedum viginti ab vltiore ripa distantes, qui terræ applicari pontem non patiebantur. Itaque cum ad ducendam soflam, & iaciendum sub muro aggerem, incendendaque turres Vngari transire cœpissent, è ponte desiliendum necessario erat in aquam, quæ inter stipites, & terram intercedebat. Quæ res cum celeritatem transitus impediret, multi nostrorum vulnerabantur ex arce, & aquæ frigiditate corpora transeuntium rigeabant. Iam enim & niues ceciderant, & terra stagnantes aquæ gelu concretæ viscebantur. Transire ta

EPISTOLA AD ORDINES

men milites non dubitant, qui omnia pericula subire, quàm obsidionis
 diuturnitatem tempore tam aspero tolerare malebant. Hostes cum viderent,
 difficultate transitus impediri nostros, quo minus iis qui iam transisset,
 mature auxilium ferre possent, arce egressi eos adoruntur. Magno ardore
 vtrinque facto concursu, dimicatur. Vincuntur hostes, & ab insequentibus
 nostris ad porram usque pelluntur, cædunturque. Plures ex arce missi
 repente fugientibus subueniunt, præliumque instaurant. Nostri,
 cum & multitudine hostium premerentur, & è muris, magna globorum
 missiliumque omnis generis procella obruerentur, neque adiuuari è munitionibus
 a suis possent, pedem referre incipiunt: mox acris virgentibus
 Moscis ad aquam repelluntur. Ibi cum alius ante alium capere pontem niteretur,
 partim sclopetis è muro vulnerantur, partim sese trudentes præcipitantur,
 undisque immerguntur. Erant cum ex equitatu, tum ex peditatu, promptissimi
 Ungarorum vulnerati, tempusque ad curanda vulnera, propter augescens in dies
 frigus, incommodum. Itaque multorum animis desperationem, non vis hostium,
 neque locus, sed anni tempus incuriebatur. Quod animaduertens Zamoscus
 accomodata ad tempus oratione milites confirmat: docet, incommodum, quod loci iniquitate accepissent, &
 exiguum per se esse, & tot secundis præliis, continuataque per duos annos
 victoria pensandū, ne sua desperatione hominum opinionem imminuerent,
 qui ubique terrarum, & gentium persuasum iam habeant, ipsorum virtuti neque
 immensam itinerum longinquitatem, nec vires hostium, nec denique locorum
 temporumque asperitatem obstare posse. Ad gloriam Regis, famamque ipsorum
 pertinere, ne vlla solvatur infecta re obsidio, quæ testetur, non esse inuictum Stephani Regis exercitum. Conclamant
 omnes perseverandum esse, & aut omnibus occumbendum, aut commilitonum
 interfectorum desiderium, sauciorumque dolorem, interitu hostium esse leniendum.
 Rex cognitis quæ ad Zauolociam gerebantur, Stephano Carolio cum peditibus octingentis eo misso, numerum obsidentium
 augeat. Ipse, cum iam niuib. oppleta castra essent, frigoreque & fame periclitari
 iumenta cœpissent, munitis arcibus, omni que regione equitū peditūque præsidii
 firmata, in Lithuaniam reuersurus, iter Polociam pronunciari iussit. Quo itinere
 ad expugnandam eam urbem superioribus temporibus, Moschorum etiam Princeps
 exercitum duxerat. Vulgata fama Regis profecturi, vehementer postulare legati cœperunt,
 ut, dato senatu, sibi de integro agere adhuc de pace liceret. Sperare se, si colloquii
 potestas fiat, permagnum id ad consiciendam pacem momentum allaturum.
 Re dato senatu, cognitisque legatorum promissis, totam rem in Poloniam reiecit,
 ac legatis sequi se iussis, Nonis octobribus ab Nevela destinato iunere proficiscitur.
 Erat ad Polociam passuum centum & viginti

RERVVM CAPTA POLOCIA

ginti millia, iter siluestre, sed partim crebris paludibus impeditum, partim soli sterilitate incommodū. Itaque cum singuli iussi essent sibi tantum cibi, & pabuli comparare, quantum Polociam vsque satis esse videretur, iter ingrediūtur. Non pauci tamen equos labore, frigore, fame cunctos amittere. Iam in Lithuaniam peruenerat Rex, cū nostros Zauolocia potitos accepit. Mosci enim cum nostros recentibus copijs auctos, ad oppugnationē, summa vi tentandam, rebus omnibus comparatis, forti animo pati omnia obsidionis incōmoda vidissent, neque vnquam (vti postea dicebant) gentē glorię cupidā, infecta re abiturā sperarent, deditionē fecerunt, ægreque ab iratis militibus defensi, incolumes dimissi sunt. Rex ijs etiā militibus, quos secum habere solitus erat, in hyberna dimissis, præcepit, vt intenti in ōnes occasiones essent, scirentque se, simul atque Moscos aliquid in finibus moliri cœpiisset, iter in Moschouiam esse suscepturos. Sic prouisis constitutis que ex sententia omnibus, magnis itineribus confectis, tertio Nonas Nouemb. urbem Vilnam est ingressus. Quo post triduū Amhat nuncius à Turca, Legati à Tartaro venerunt. Turcicus in senatum introductus, nomine Cæsaris primum gratulatus Regi victoriā est. Deinde hortatus eum, vt qua fide & constantia hætenus amicitia vterque coluisset, ea in posterum etiā colerent: & si quid hostile, tēpore belli Perfici, Rex Viennensis (sic enim Imperatorem Romanorū Turca nominat) in finibus suis faceret, eum Rex, pro iure amicitie, & fraternitatis coerceret. Legati Tartarici flexis ante Regem genibus enixe orarunt. Eorum orationis hæc sententia erat: Gratulari suum Imperatorē, Regi, ob rem benè & prosperè bello gestam: deinde cupere cum eo perpetuam pacem iungere: postremo, auxilia, si necesse esset, quanta Rex vellet, aduersus Moschum polliceri. Rex, quod pro temporum ratione visum est, vtrique Principi dato responso, Legatos eorum dimisit.

F I N I S.

*Apud Heredes Antonij Bladi impressores
Camerales. de Permissu Superiorum.*

M. D. LXXVII.



LIBRERIA N. 1
ROMA
11111111111111111111

